



進續資治通鑑長編表



臣竊言臣先於去年八月准尚書省劄子三省同奉 聖旨
 依敷文閣直學士汪應辰奏取臣所著續資治通鑑自建隆
 迄元符令有司繕寫校勘藏之祕閣臣尋於十四日蒙 恩
 賜 對面奉 聖旨令臣早投進遂除官郎省兼職史局續
 又准尚書省劄子奉 聖旨令臨安府給札臣今先次寫到
 建隆元年至治平四年閏三月五朝事迹共一百八年計一
 百八卷內建隆元年至太平興國元年 太祖一朝事迹雖
 曾於隆興元年臣知榮州日具表投進已蒙 降付史館後
 來稍有增益謹重別抄錄投進外餘治平以後文字增多兼
 見修 四朝正史未畢欲望 聖慈特賜 寬假臣更加整
 齊節次修寫投進疎遠微賤僭為此書罪當誅絕 聖王不
 印麾斥乃過 聽而兼收之臣死且不朽矣臣誠惶誠恐稽

首頓首臣竊聞司馬光之作資治通鑑也先使其僚採摭異聞以年月日為叢目叢目既成乃修長編唐三百年范祖禹實掌之光謂祖禹長編寧失於繁無失於畧當時祖禹所修長編蓋六百餘卷光細刪之止八十卷今資治通鑑唐紀自一百八十五卷至二百六十五卷是也故神宗皇帝序其書以為博而得其要簡而周於事臣誠不自揆度妄意纂集雖義例悉用光所創立錯綜銓次皆有依憑其間抵牾要亦不敢自保區區小忠前表蓋嘗具之仰惟祖宗之豐功盛德當與唐虞三代比隆乾坤之容日月之光繪畫臻極訖弗能近矧令拙工彊施丹墨臣誠愚闇豈不知罪然而統會眾說掎擊手偽辯使姦欺訛訕不能乘隙亂真祖宗之豐功盛德益以昭明譬諸海嶽或取涓埃之助願臣此書詎可便謂續資治通鑑姑謂續資治通鑑長編庶幾可也

其篇帙或相倍蓰則長編之體當然寧失於繁猶光志云爾伏惟皇帝陛下煥乎文章固已經緯兩儀黼黻萬化如臣薄技又安足陳陛下徒以祖宗之孫謀彛憲往往在是委曲加惠之使前承命距躍冥冒來獻夤緣幸會得御燕閑千百有一儻符神指更擇耆儒正直若光者屬以刪削之任遂勒成我宋大典垂億萬年如神宗皇帝所謂博而得其要簡而周於事者則將與六經俱傳是固非臣所能而臣之區區小忠因是亦獲自盡誠死且不朽矣所有續資治通鑑長編一百八卷今寫成一百七十五冊并目錄一冊謹隨表上進干瀆宸嚴下情無任戰汗屏營之至臣竇誠惶誠恐頓首頓首謹言

乾道四年四月日左朝散郎尚書禮部員外郎兼國史院編修官臣李燾上表

乾道六年奉旨降付續資治通鑑長編一百七十六冊秘書省令依
通鑑紙樣繕寫進納

隆興元年知榮州李燾奏臣嘗盡力史學於本朝故事尤切
欣慕每恨學士大夫名信所傳不改諸實錄正史紛錯難信
如建隆開寶之祥授涪陵岷魏之遷歿景德慶曆之盟誓曩
霄諱祚之之叛服嘉祐之立子治平之復辟熙寧之更新元
祐之圖舊此最大事家自為說臣輒發憤討論使眾說咸會
于一敢先具建隆迄開寶十有七年為十有七卷上進馬端臨文獻通考

乾道四年禮部郎官李燾上言臣准朝旨取臣所著續資治
通鑑自建隆迄元符令有司繕寫投進今先次寫到建隆元
年至治平四年閏三月五朝事迹共一百八卷投進治平以
後文字增多容臣再加整齊節次投進臣竊聞司馬光之作
資治通鑑也先使其寮采摭異聞以年月日為叢目叢目既
成乃脩長編唐三百年光祖馬寔掌之光謂祖馬長編寧失

于繁無失于略今唐紀取祖禹之六百卷刪為八十卷是也
臣今所纂集義例悉用先所創立錯綜銓次皆有依憑願臣
此書詎可使謂續資治通鑑始謂續資治通鑑長編可也旁
採異聞補寔錄正史之闕畧參求真是破巧說偽辨之紛紜
益以昭明祖宗之豐功盛德區區小惠志或可錄所有續資治
通鑑長編一百八卷隨表上進同上

淳熙元年知瀘州李燾上言臣先次投進續資治通鑑長編
自建隆迄治平今欲纂輯治平以後至中興以前六十年事
迹庶幾一祖八宗之豐功盛德粲然具存無所闕遺願此六
十年事於寔錄正史外頗多所增益首尾略究端緒合為長
編凡六十年年為一卷以字之繁略又均分之總為二百八
十卷然熙豐祐聖符靖崇觀和康之大廢置大征伐闔天下
之大利害者其事迹比治平以前特異寧失之繁無失之畧

必須睿明稱制臨決如兩漢宣章故事無使各自為說乃可
傳信無窮同上

淳熙九年知遂寧府李燾上言臣累次進所為續資治通鑑
長編今重別寫進共九百八十卷計六百四冊其修換事總
為目一十卷又緣一百六十八年之事分散為九百八十卷
之間文字繁文本末頗雜立見畧存梗槩庶易檢尋今創為
建隆至靖康舉要六十八卷并卷總目共五卷已上四種通
計一千六十三卷六百八十七冊投進者紀一祖八宗之盛
德至善義寧止於百篇聚九朝三世之各見殊聞事或傳於
兩說惟折諸聖迺得其真臣網羅收拾垂四十年後葺穿駁
踰一千卷抵牾何敢自保精力幾盡此書非仰託大君之品
題懼難逃乎衆人之指目漢孝宣稱制決疑故事最高於甘
露我神考錫名冠序治鑑莫毀于元符豫席恩言此迹先正

臣死且不朽同上

李氏續通鑑春秋之後總有此書自史法壞譜謀絕百家異傳典詩書春秋並行而漢至五季事多在記後史官常狼狽收拾僅能成篇嗚呼其何以信天下也通鑑雖幸後古然由千有餘歲之後追戰國秦漢之前則遠矣疑詞誤說流於人心久矣方將鉤索賢驗貫殊析同力誠勞而勢難一矣及公據安後之會乘歲月之存斷自本朝凡寔錄正史官文書無不是正就一律也而又家錄野記旁互叅審毫髮不使遁逸邪正心迹隨卷較然夫孔子之所以正時月日必取於春秋者近而其書具也今惟續通鑑為然爾故余謂春秋之後總有此書信之所聚也雖然公終不敢自成書第使至約出于至詳至簡成於至繁以待後人而已

華適習學紀言

續資治通鑑長編者李文簡燾所脩也其書做司馬氏通鑑

踵為之然文簡謙不敢名續通鑑故但謂之續資治通鑑長編乾道初上召文簡為史官命有司給筆札四年四月以五朝事上之孝宗謂輔臣曰自建隆至治平百餘歲事迹備于此矣淳熙十年文簡為遂寧守始具全書自建隆至靖康凡九百八十卷舉要六十八卷上甚重之以其書付秘書省

傳建炎以來朝野雜紀

李心

續資治通鑑長編九百四十六卷巽巖先生李文簡公燾仁甫所修也太祖至英宗一百七十五卷神宗朝二百二十八卷哲宗朝二百二十卷徽宗朝三百二十三卷其書做司馬氏通鑑踵為之然燾謙抑不敢名續通鑑但為續長編蜀帥汪應辰嘗乞給筆札以寫藏秘閣乾道六年正月令秘書省依通鑑紙樣及字樣大小繕寫一部仍將燾銜位於卷首依司馬光銜位書寫進入燾之卒也上語宇文价云朕嘗許燾

大書續資治通鑑長編七大字且用神宗賜司馬光故事為序冠篇不謂其止此也希弁所藏蜀本視書坊所刊者為詳希弁嘗為續資治通鑑長編補註一書以補詔敕奏篇等闕云趙希弁讀書附志

續通鑑長編一百六十八卷禮部侍郎眉山李燾仁父撰長編云者司馬光之為通鑑也先命其屬叢日叢日既成乃脩長編然後刪之以成書唐長編六十五卷今通鑑惟八十卷耳燾所上表自言未可謂之通鑑止可謂之長編故其書雖繁蕪而不嫌也其卷數雖如此而冊數止餘三百蓋逐卷又自分子卷或至十餘大畧皆溫公舊規也陳振孫書錄解題

長編全書六百八十七冊十年脩撰上之

孝宗會要

乾道六年奉旨降付續資治通鑑長編一百七十六冊秘書省令依通鑑抵樣繕寫進納

文獻通考

先公曰李文定公纂本朝長編自紹興隆興乾道淳熙節次上進收拾舊事垂四十年是長編一百六十八年之書以四十年而成

文獻通考

續通鑑長編稽國史做溫公運之左氏則眉山李氏專其家林岳皇朝編年脩要序

乾道四年四月丙辰禮部郎李燾言臣於去年八月奉旨從汪應辰奏取臣所著續資治通鑑自建隆迄元符令有司繕寫校勘藏之祕閣臣尋於十四日賜對面奉旨令早投進又令拾札臣先次寫到建隆元年至治平四年閏三月五朝事迹共一百八十八卷內建隆元年至太平興國元年太祖一朝事迹雖曾于隆興元年具表投進後來稍有增益謹重錄進治平以後文字更加整齊節次修寫臣此書非可便謂續資治通鑑姑謂續資治通鑑長編庶幾可也其篇帙

或相倍蓰則長編之體當然寧失於繁猶光志云爾今寫成一
百七十五冊并目錄一冊上進五月壬戌朔詔燾纂述有
勞特轉兩官六年三月二日詔降下長編付秘書省令依通鑑
字樣大小繕寫仍將李燾銜位於卷前依司馬光銜位脩寫
淳熙十年三月六日燾為遂寧守始上其全書自建隆至靖
康凡九百八十卷舉要六十八卷上其重之以其書藏秘府
燾以司馬光作資治通鑑唐三百年長編范祖禹掌之祖禹
所脩六百餘卷光細刪之止八十卷故燾纂集用光義例廣
記脩言以待後之作者燾又撰江左方鎮年表十六卷自晉
永嘉訖陳貞明以孫氏不能保淮李氏不能踰浙又亡荆及
巴蜀故削而不著 王應麟玉海

淳熙二年二月二十二日進神宗哲宗三百四十冊四年七
月五日進徽宗欽宗三百二十冊 中興館閣書目

李燾字仁父眉山人黃公度榜進士出身治春秋淳熙三年正月除秘書監三月權禮部侍郎

李燾續資治通鑑長編一百六十八卷 宋史藝文志

楊仲良為長編紀事本末一百五十卷 玉海

李燾字仁父眉州丹徒人唐宗室曹王之後也紹興八年擢
進士第調華陽簿再調雅州推官改秩知夔流縣以餘暇力
學耻讀王氏書獨博極載籍搜羅百代慨然以史自任本朝
典故尤悉力研覈做司馬光資治通鑑斷自建隆迄于靖康
為編年一書名曰長編浩大未畢仍效光體為百官公卿表
史官以聞詔給札來上制置王剛中辟幹辦公事知榮州除
潼川府路轉運判官乾道三年召對除兵部員外郎兼禮部
郎中正除禮部郎中四年上讀通鑑長編自建隆至治平凡
一百八卷五年遷秘書少監兼權起居舍人尋兼寔錄院檢
討官宰相以燾數言事不樂燾遂請去除直顯謨閣湖北轉
運副使八年直寶文閣帥潼川兼知瀘州淳熙改元被召適

城中火上章自劾提刑何熙志奏焚數不實且言長編記魏
王食肥羸語涉誣謗上曰憲臣按奏火數失實職也何預國
史詔熙志貶二秩罷燾止貶一秩燾及都門乞祠除江西運
副進秘閣修撰權同修國史權實錄院同修撰權禮部侍郎
賜金紫四年駕幸太學以執經特轉一官真拜侍郎仍兼工
部尋子奩為御史所劾語連及燾奩罷燾亦知常德府表乞
閑提舉興國宮秩明堂大祀成復除敷文閣待制頃之起知
遂寧府七年長編全書成上之詔藏秘閣燾自謂此書寧失
之繁無失之畧故一祖八宗之事凡九百七十八卷卷第總
目五卷依熙寧修三經例損益脩換四千四百餘事上謂其
書無愧司馬遷燾常舉漢石渠白虎請上制臨決又請冠
序上許之竟不克就進敷文閣學士提舉佑神觀兼侍講同
脩國史十一年春乞致仕優詔不允病革除敷文閣學士致

仕卒年七十上聞嗟悼贈光祿大夫謚文簡贈太師溫國公
他日謂宇文价曰朕嘗許燾大書續資治通鑑長編七字用
神宗賜司馬光故事為序冠篇不謂其止此張栻嘗曰李仁
父如霜松雪柏無嗜好無姬侍不殖產平生生死文字間長
編一書用力四十年業適以為春秋以後總有此書論曰李
燾耻讀王氏書掇拾禮文殘缺之餘聚然有則長編之作咸
稱史才然所掇拾或出史春秋傳疑傳信之法然與節宋史
列傳

續資治通鑑長編目錄

卷第一

太祖皇帝紀一

起建隆元年正月盡十二月

卷第二

太祖皇帝紀二

起建隆二年正月盡十二月

卷第三

太祖皇帝紀三

起建隆三年正月盡十二月

卷第四

太祖皇帝紀四

起乾德元年正月盡十二月



卷第五

太祖皇帝紀五

起乾德二年正月盡十二月

卷第六

太祖皇帝紀六

起乾德三年正月盡十二月

卷第七

太祖皇帝紀七

起乾德四年正月盡十二月

卷第八

太祖皇帝紀八

起乾德五年正月盡十二月

卷第九

太祖皇帝紀九

起開寶元年正月盡十二月

卷第十

太祖皇帝紀十

起開寶二年正月盡十二月

卷第十一

太祖皇帝紀十一

起開寶三年正月盡十二月

卷第十二

太祖皇帝紀十二

起開寶四年正月盡十二月

卷第十三

太祖皇帝紀十三

起開寶五年正月盡十二月

卷第十四

太祖皇帝紀十四

起開寶六年正月盡十二月

卷第十五

太祖皇帝紀十五

起開寶七年正月盡十二月

卷第十六

太祖皇帝紀十六

起開寶八年正月盡十二月

卷第十七

太祖皇帝紀十七

起開寶九年正月盡十二月癸丑

太宗皇帝紀一

起太平興國元年十二月甲寅盡其月

卷第十八

太宗皇帝紀二

起太平興國二年正月盡十二月

卷第十九

太宗皇帝紀三

起太平興國三年正月盡十二月

卷第二十

太宗皇帝紀四

起太平興國四年正月盡十二月

卷第二十一

太宗皇帝紀五

起太平興國五年正月盡十二月

卷第二十二

太宗皇帝紀六

起太平興國六年正月盡十二月

卷第二十三

太宗皇帝紀七

起太平興國七年正月盡十二月

卷第二十四

太宗皇帝紀八

起太平興國八年正月盡十二月

卷第二十五

太宗皇帝紀九

起雍熙元年正月盡十二月

卷第二十六

太宗皇帝紀十

起雍熙二年正月盡十二月

卷第二十七

太宗皇帝紀十一

起雍熙三年正月盡十二月

卷第二十八

太宗皇帝紀十二

起雍熙四年正月盡十二月

卷第二十九

太宗皇帝紀十三

起端拱元年正月盡十二月

卷第三十

太宗皇帝紀十四
起端拱二年正月盡十二月

卷第三十一
太宗皇帝紀十五

起淳化元年正月盡十二月

卷第三十二

太宗皇帝紀十六

起淳化二年正月盡十二月

卷第三十三

太宗皇帝紀十七

起淳化三年正月盡十二月

卷第三十四

太宗皇帝紀十八

起淳化四年正月盡十二月

卷第三十五之一

太宗皇帝紀十九之一

起淳化五年正月盡四月

卷第三十五之二

太宗皇帝紀十九之二

起淳化五年五月盡十二月

卷第三十六之一

太宗皇帝紀二十之一

起至道元年正月盡五月

卷第三十六之二

太宗皇帝紀二十之二

起至道元年六月盡十二月

卷第三十七

太宗皇帝紀二十一

起至道元年正月盡五月

卷第三十八

太宗皇帝紀二十二

起至道元年六月盡十二月

卷第三十七之一

太宗皇帝紀二十一之一

起至道二年正月盡五月

卷第三十七之二

太宗皇帝紀二十一之二

起至道二年六月盡十二月

卷第三十八之一

太宗皇帝紀二十二之一

起至道三年正月盡八月

卷第三十八之二

太宗皇帝紀二十二之二

起至道三年九月盡十二月

卷第三十九

真宗皇帝紀一

起咸平元年正月盡十二月

卷第四十之一

真宗皇帝紀二之一

起咸平二年正月盡六月

卷第四十之二

真宗皇帝紀二之二

起咸平二年七月盡十二月

卷第四十一之一

真宗皇帝紀三之一

起咸平三年正月盡三月

卷第四十一之二

真宗皇帝紀三之二

起咸平三年四月盡十二月

卷第四十二之一

真宗皇帝紀四之一

起咸平四年正月盡九月

卷第四十二之二

真宗皇帝紀四之二

起咸平四年十月盡閏十二月

卷第四十三之一

真宗皇帝紀五之一

起咸平五年正月盡六月

卷第四十三之二

真宗皇帝紀五之二

起咸平五年七月盡十二月

卷第四十四之一

真宗皇帝紀六之一

起咸平六年正月盡五月

卷第四十四之二

真宗皇帝紀六之二

起咸平六年六月盡十二月

卷第四十五之一

真宗皇帝紀七之一

起景德元年正月盡九月

卷第四十五之二

真宗皇帝紀七之二

起景德元年閏九月盡十二月

卷第四十六之一

真宗皇帝紀八之一

起景德二年正月盡五月

卷第四十六之二

真宗皇帝紀八之二

起景德二年六月盡十二月

卷第四十七之一

真宗皇帝紀九之一

起景德三年正月盡六月

卷第四十七之二

真宗皇帝紀九之二

起景德三年七月盡十二月

卷第四十八之一

真宗皇帝紀十之一

起景德四年正月盡七月

卷第四十八之二

真宗皇帝紀十之二

起景德四年八月盡十二月

卷第四十九之一

真宗皇帝紀十一之一

起大中祥符元年正月盡六月

卷第四十九之二

真宗皇帝紀十一之二

起大中祥符元年七月盡十二月

卷第五十之一

真宗皇帝紀十二之一

起大中祥符二年正月盡六月

卷第五十之二

真宗皇帝紀十二之二

起大中祥符二年七月盡十二月

卷第五十一之一

真宗皇帝紀十三之一

起大中祥符三年正月盡五月

卷第五十一之二

真宗皇帝紀十三之二

起大中祥符三年六月盡十二月

卷第五十二

真宗皇帝紀十四

起大中祥符四年正月盡十二月

卷第五十三之一

真宗皇帝紀十五之一

起大中祥符五年正月盡八月

卷第五十三之二

真宗皇帝紀十五之二

起大中祥符五年九月盡十二月

卷第五十四之一

真宗皇帝紀十六之一

起大中祥符六年正月盡六月

卷第五十四之二

真宗皇帝紀十六之二

起大中祥符六年七月盡十二月

卷第五十五之一

真宗皇帝紀十七之一

起大中祥符七年正月盡六月
卷第五十五之二

真宗皇帝紀十七之二

起大中祥符七年七月盡十二月

卷第五十六之一

真宗皇帝紀十八之一

起大中祥符八年正月盡六月

卷第五十六之二

真宗皇帝紀十八

起大中祥符八年閏六月盡十二月

卷第五十七之一

真宗皇帝紀十九之一

起大中祥符九年正月盡六月

卷第五十七之二

真宗皇帝紀十九之二

起大中祥符九年七月盡十二月

卷第五十八之一

真宗皇帝紀二十之一

起天禧元年正月盡五月

卷第五十八之二

真宗皇帝紀二十之二

起天禧元年六月盡十二月

卷第五十九

真宗皇帝紀二十一

起天禧二年正月盡十二月

卷第六十

真宗皇帝紀二十二

起天禧三年正月盡十二月

卷第六十一之一

真宗皇帝二十三之一

起天禧四年正月盡六月

卷第六十一之二

真宗皇帝紀二十三之二

起天禧四年七月盡閏十二月

卷第六十二

真宗皇帝紀二十四

起天禧五年正月盡十二月

卷第六十三之一

真宗皇帝紀二十五之一

起乾興元年正月盡六月

卷第六十三之二

真宗皇帝紀二十五之二

起乾興元年七月盡十二月

卷第六十四

仁宗皇帝紀

起天聖元年正月盡十二月

卷第六十五

仁宗皇帝紀

起天聖二年正月盡十二月

卷第六十六

仁宗皇帝紀三

起天聖三年正月盡十二月

卷第六十七

仁宗皇帝紀四

起天聖四年正月盡十二月

卷第六十八

仁宗皇帝紀五

起天聖五年正月盡十二月

卷第六十九

仁宗皇帝紀六

起天聖六年正月盡十二月

卷第七十

仁宗皇帝紀七

起天聖七年正月盡十二月

卷第七十一

仁宗皇帝紀八

起天聖八年正月盡十二月

卷第七十二

仁宗皇帝紀九

起天聖九年正月盡十二月

卷第七十三

仁宗皇帝紀十

起明道元年正月盡十二月

卷第七十四之一

仁宗皇帝紀十一之一

起明道二年正月盡六月

卷第七十四之二

仁宗皇帝紀十一之二

起明道二年八月盡十二月

卷第七十五之一

仁宗皇帝紀十二之一

起景祐元年正月盡閏六月

卷第七十五之二

仁宗皇帝紀十二之二

起景祐元年七月盡十二月

卷第七十六之一

仁宗皇帝紀十三之一

起景祐二年正月盡六月

卷第七十六之二

仁宗皇帝紀十三之二

起景祐二年七月盡十二月

卷第七十七之一

仁宗皇帝紀十四之一

起景祐三年正月盡七月

卷第七十七之二

仁宗皇帝紀十四之二

起景祐三年八月盡十二月

卷第七十八

仁宗皇帝紀十五

起景祐四年正月盡十二月

卷第七十九

仁宗皇帝紀十六

起寶元元年正月盡十二月

卷第八十之一

仁宗皇帝紀十七之一
起寶元二年正月盡六月

卷第八十之二

仁宗皇帝紀十七之二
起寶元二年七月盡十月

卷第八十之三

仁宗皇帝紀十七之三
起寶元二年十一月盡閏十二月

卷第八十一之一

仁宗皇帝紀十八之一
起康定元年正月盡三月

卷第八十一之二

仁宗皇帝紀十八之二

起康定元年四月盡八月

卷第八十一之三

仁宗皇帝紀十八之三
起康定元年九月盡十二月

卷第八十二之一

仁宗皇帝紀十九之一
起慶曆元年正月盡三月

卷第八十二之二

仁宗皇帝紀十九之二
起慶曆元年四月盡六月

卷第八十二之三

仁宗皇帝紀十九之三
起慶曆元年七月盡九月

卷第八十二之四

仁宗皇帝紀十九之四

起慶曆元年十月盡十二月

卷第八十三之一

仁宗皇帝紀二十之一

起慶曆二年正月盡四月

卷第八十三之二

仁宗皇帝紀二十之二

起慶曆二年五月盡六月

卷第八十三之三

仁宗皇帝紀二十之三

起慶曆二年七月盡閏九月

卷第八十三之四

仁宗皇帝紀二十一之一

起慶曆三年正月盡四月

卷第八十四之一

仁宗皇帝紀二十一之二

起慶曆三年五月盡七月

卷第八十四之二

仁宗皇帝紀二十一之三

起慶曆三年八月盡九月

卷第八十四之三

仁宗皇帝紀二十一之四

起慶曆三年十月盡十二月

卷第八十四之四

仁宗皇帝紀二十二之一

起慶曆三年正月盡四月

卷第八十四之五

仁宗皇帝紀二十二之二

起慶曆三年五月盡七月

卷第八十四之六

仁宗皇帝紀二十二之三

起慶曆三年八月盡九月

卷第八十四之七

仁宗皇帝紀二十二之四

起慶曆三年十月盡十二月

起慶曆三年十月盡十二月
卷第八十五之一

仁宗皇帝紀二十二之一

起慶曆四年正月盡三月

卷第八十五之二

仁宗皇帝紀二十二之二

起慶曆四年四月盡五月

卷第八十五之三

仁宗皇帝紀二十二之三

起慶曆四年六月盡七月

卷第八十五之四

仁宗皇帝紀二十二之四

起慶曆四年八月盡九月

卷第八十五之五

仁宗皇帝紀二十二之五

起慶曆四年十月盡十二月

卷第八十六之一

仁宗皇帝紀二十三之一

起慶曆五年正月盡四月

卷第八十六之二

仁宗皇帝紀二十三之二

起慶曆五年五月盡十二月

卷第八十七

仁宗皇帝紀二十四

起慶曆六年正月盡十二月

卷第八十八

仁宗皇帝紀二十五

起慶曆七年正月盡十二月

卷第八十九之一

仁宗皇帝紀二十六之一

起慶曆八年正月盡三月

卷第八十九之二

仁宗皇帝紀二十六之二

起慶曆八年四月盡十二月

卷第九十之一

仁宗皇帝紀二十七之一

起皇祐元年正月盡六月

卷第九十之二

仁宗皇帝紀二十七之二

起皇祐元年七月盡十二月

卷第九十一之一

仁宗皇帝紀二十八之一

起皇祐二年正月盡七月

卷第九十一之二

仁宗皇帝紀二十八之二

起皇祐二年八月盡十二月

卷第九十二之一

仁宗皇帝紀二十九之一

起皇祐三年正月盡七月

卷第九十二之二

仁宗皇帝紀二十九之二

起皇祐三年八月盡十二月

卷第九十三之一

仁宗皇帝紀三十之一

起皇祐四年正月盡六月

卷第九十三之二

仁宗皇帝紀三十之二

起皇祐四年七月盡十二月

卷第九十四之一

仁宗皇帝紀三十一之一

起皇祐五年正月盡六月

卷第九十四之二

仁宗皇帝紀三十一之二

起皇祐五年七月盡十二月

卷第九十五之一

仁宗皇帝紀三十二之一

起至和元年正月盡八月

卷第九十五之二

仁宗皇帝紀三十二之二

起至和元年九月盡十二月

卷第九十六之一

仁宗皇帝紀三十三

起至和二年正月盡四月

卷第九十六之二

仁宗皇帝紀三十三之二

起至和二年五月盡七月

卷第九十六之三

仁宗皇帝紀三十三之三

起至和三年八月盡十二月

卷第九十七之一

仁宗皇帝紀三十四之一

起嘉祐元年正月盡七月

卷第九十七之二

仁宗皇帝紀三十四之二

起嘉祐元年八月盡十二月

卷第九十八

仁宗皇帝紀三十五

起嘉祐二年正月盡十二月

卷第九十九

仁宗皇帝紀三十六

起嘉祐三年正月盡十二月

卷第一百之一

仁宗皇帝紀三十七之一

起嘉祐四年正月盡六月

卷第一百之二

仁宗皇帝紀三十七之二

起嘉祐四年七月盡十二月

卷第一百之一

仁宗皇帝紀三十八之一

起嘉祐五年正月盡七月

卷第一百之二

仁宗皇帝紀三十八之二

起嘉祐五年八月盡十二月

卷第一百二之一

仁宗皇帝紀三十九之一

起嘉祐六年正月盡七月辛丑

卷第一百二之二

仁宗皇帝紀三十九之二

起嘉祐六年七月壬寅盡十二月

卷第一百三之一

仁宗皇帝紀四十之一

起嘉祐七年正月盡六月

卷第一百三之二

仁宗皇帝紀四十之二

起嘉祐七年七月盡十二月

卷第一百四之一

仁宗皇帝紀四十一之一

卷第一百四之二

起嘉祐八年正月盡六月

仁宗皇帝紀四十一之二

起嘉祐八年七月盡十二月

卷第一百五之一

英宗皇帝紀一之一

起治平元年正月盡三月

卷第一百五之二

英宗皇帝紀一之二

起治平元年四月盡五月

卷第一百五之三

英宗皇帝紀一之三

起治平元年六月盡九月

卷第一百五之四

英宗皇帝紀一之四

起治平元年十月盡十二月

卷第一百六之一

英宗皇帝紀二之一

起治平二年正月盡四月

卷第一百六之二

英宗皇帝紀二之二

起治平二年五月盡七月

卷第一百六之三

英宗皇帝紀二之三

起治平二年八月盡十二月

卷第一百七之一

英宗皇帝紀三之一

起治平三年正月盡三月

卷第一百七之二

英宗皇帝紀三之二

起治平三年四月盡十二月

卷第一百八之一

英宗皇帝紀四之一

起治平四年正月盡閏三月

續資治通鑑長編卷第一

太祖啓運立極英武睿文神德聖功至明大孝皇帝

建隆元年春正月辛丑朔鎮定二州言契丹入寇北漢兵自土門東下與契丹合周帝命太祖領宿衛諸將禦之

太

祖自殿前都虞候再遷都點檢掌軍政凡六年士卒服其恩威數從世宗征伐荐立大功人望固已歸之於是主少國疑

中外始有推戴之議壬寅殿前副都點檢鎮寧軍節度使大

原慕容延釗延釗初以殿前都虞候見將前軍先發時都下

驩言將以出軍之日策點檢為天子士民恐怖爭為逃匿之

計惟內庭晏然不知癸卯大軍出愛景門紀律嚴甚衆心稍

安軍校河中苗訓者號知天文見日下復有一日黑光父相

磨盪指謂太祖親吏宋城楚昭輔曰此天命也是夕次陳

橋驛將士相與聚謀曰主上幼弱未能親政今我輩出死力

為國家破賊誰則知之不如先立點檢為天子然後北征未
晚也都押衙上黨李處耘具以其事白 太祖弟匡又匡又

時為內殿祗候供奉官都知即與處耘同歸德節度掌書記
荊人趙普普初見顯德三年二月語未竟諸將突入稱說紛紜普及匡

又各以事理逆順曉譬之曰趙普飛龍記云處處耘亦同普曉譬諸將按國史處處耘見軍中謀

欲推戴即遠白太宗與王彥昇謀遂召馬仁瑀李漢超等去處定議然則曉譬諸將獨普與太祖耳處耘必不在也今削
去處耘名太祖忠赤必不汝赦諸將相顧亦有稍稍引去者已而

復集露刃大言曰軍中偶語則族今已定議太尉若不從則
我輩亦安肯退而受禍普察其勢不可遏與匡又同聲叱之

曰策立大事也固宜審圖爾等何得便肆狂悖乃各就坐聽
命普復謂曰外寇壓境將莫誰何盍先攘却歸始議此諸將

不可曰方今政出多門若疾寇退師還則事變未可知也但
當亟入京城策立太尉徐引而北破賊不難太尉苟不受策

六軍決亦難使向前矣普謂匡又曰事既無可柰何政須早
與約束因語諸將曰興王易姓雖云天命實繫人心前軍昨

已過河節度使各據方面京師若亂不惟外寇愈深四方必
轉生變若能嚴敕軍士勿令剽劫都城人心不搖則四方自

然寧謐諸將亦可長保富貴矣皆許諾乃共部分夜遣衙隊
軍使郭延贊延贊不詳何許人建隆二年七月鐵騎左馳告

殿前都指揮使浚儀石守信殿前都虞候洛陽王審琦審琦

顯德三年守信審琦皆素歸心 太祖者也將士環列待旦 太

祖醉卧初不省甲辰黎明四面叫呼而起聲震原野普與匡

又入白 太祖諸將已擐甲執兵直扣寢門曰諸將無主願
策 太尉為天子 太祖驚起披衣未及酬應則相與扶出

聽事或以黃袍加 太祖身且羅拜庭下稱萬歲 太祖固
拒之眾不可遂相與扶 太祖上馬擁逼南行匡又立於馬

前請以剽劫為戒舊錄禁剽劫都城實太祖度

不得免乃攬轡誓諸將曰汝等自貪富貴立我為天子能從

我命則可不然我不能為若主也眾皆下馬曰唯命是聽

太祖曰少帝及太后我皆北面事之公卿大臣皆我比肩之

人也汝等無得輒加凌暴近世帝王初入京城皆縱兵大掠

擅劫府庫汝等無得復然事定當厚賞汝不然當族誅汝眾

皆拜乃整軍自仁和門入秋毫無所犯先遣客省使大名潘

美見執政諭意又遣楚昭輔慰安家人殿前都點檢公署在

左掖門內時方閉關設守備及昭輔至石守信開關納之宰

相早朝未退聞變范質質字城人初下殿執王溥初見乾祐

二年手曰倉卒遣將吾輩之罪也瓜入溥手幾出血溥噤不能

對天平節度使同平章事侍衛馬步軍副都指揮使在京巡

檢太原韓通通初見顯自內庭惶遽奔歸將率眾備禦散負

都指揮使蜀人王彥昇彥昇初見遇通於路躍馬逐之至其

第第門不及掩遂殺之并其妻子諸將翼太祖登明德門

太祖令軍士解甲還營太祖亦歸公署釋黃袍俄而將士

擁質等俱至太祖嗚咽流涕曰吾受世宗厚恩為六軍所

迫一旦至此慙負天地將若之何質等未及對散指揮都虞

候太原羅彥環挺劍而前曰我輩無主今日必得天子太

祖叱之不退質等不知所為溥降階先拜質不得已從之遂

稱萬歲太祖詣崇元殿行禪代禮召文武百官就列至晡

班定獨未有周帝禪位制書翰林學士承旨新平陶穀穀初

祐元年出諸袖中進曰制書成矣遂用之宣徽使引太祖

就龍墀北面拜受國史實錄及他傳記並無宣宰相扶太

祖升殿易服東序還即位羣臣拜賀奉周帝為鄭王太后為

周太后遷居西京蘇轍龍川別志言韓通以親衛戰關下敗

首陳禪代議與國史及飛龍記司馬光記聞朔記等所載都
不同恐別志誤韓通倉卒被殺兵未嘗交鋒而太祖實歸
府第將士不得加無禮於太后少帝固先定於未入城時非
約未將士不得執王傳手出血及光所記乙巳詔因所領節度
質不肯先拜當得其實今參取刪修
州名定有天下之號曰宋改元大赦常赦所不原者咸赦除
之內外馬步軍士等第優給命官分告天地社稷遣中使乘
傳齎詔諭天下諸道節度使又別以詔賜焉遣使齎詔諭天
下國史在已酉
今從實錄通告羣祀實錄在已酉今從國史二事一解必同
施行恐不容相先後五日也別賜諸道節度使詔其曰乃戊
并書汴都仰給漕運故河渠最為急務先是歲調丁夫開浚
於淺糗糧皆民自備丁未詔悉從官給遂著為式又以河
北仍歲豐稔穀價彌賤命高其價以糴之 上之入也閭巷
姦民往往乘便攘奪於是索得數輩斬于市被掠者官償其
貲 戊申贈韓通中書令以禮葬之嘉其臨難不苟也初周
鄭王幼弱通與 上同掌宿衛軍政多決於通通性剛愎頗

肆威虐眾情不附目為韓瞠眼其子微有智略幼病偃時號
韓橐駝見 上得人望每勸通早為之所通不聽卒死於難
王彥昇之棄命專殺也 上怒甚將斬以徇已而釋之然亦
終身不授節鉞其後 上幸開寶寺見壁上有橐駝及通畫
像遽令掃去之記聞云 上初欲斬王彥昇以初受命故不
忍然終身廢之不用蓋誤也但不受節鉞耳
賜唐主李景詔諭以定受禪意 已酉復置安遠軍於安州
鎮國軍於華州秦寧軍於兗州 辛亥石守信自義成節度
使殿前都指揮使為歸德節度使侍衛馬步軍副都指揮使
常山高懷德自寧江節使馬步軍都指揮使為義成節度殿
前副都點檢馱次張令鐸自武信節度使步軍都指揮使為
鎮安節度使馬步軍都虞候王審琦自殿前都虞候睦州防
禦使為秦寧節度使殿前都指揮使遼人張光翰自虎捷左
府都指揮使嘉州防禦使為寧江節度使馬軍都指揮使安

喜趙彥徽自虎捷右廂都指揮使岳州防禦使為武信節度使步軍都指揮使官爵階勲並從超等酬翼戴之勲也 壬子賜文武近臣禁軍大校襲衣犀玉帶鞍勒馬有差 癸丑放周顯德中江南降將周成等三十四人復歸于唐成未見 乙卯遣使往諸州振貸 丁巳命宗正少卿郭玘祀周廟及嵩慶二陵因詔有司以時朝拜著于令玘未見 天雄節度使守太尉兼中書令魏王死立符彥卿彥卿初見天成年 上表乞呼名詔不允彥卿宿將且前朝近親皇弟匡又汝南郡夫人又彥卿女也 上每優其禮遇云 先是鎮安節度使侍衛馬步軍都虞候武安韓令坤令坤初見顯德二年 領兵巡北邊慕容延釗復帥前軍至真定 上既受禪遣使諭延釗與令坤各以便宜從事兩人皆聽命 己未加延釗殿前都點檢昭化節度使同中書門下二品令坤侍衛馬步軍都指揮使天平節度使同平

章事 辛酉賜霸府賓三將吏襲衣金帶鞍馬有差 壬戌

歸德節度判官寧陵劉熙古為左諫議大夫掌書記趙普為

右諫議大夫樞密直學士宋亳觀察判官安次呂餘慶為給

事中端明殿學士攝觀察推官太康沈義倫為戶部郎中歸

德節度副使張彥柔領池州刺史彥柔見清泰元年恐非此人 甲子以

皇弟殿前都虞候匡又領睦州防禦使賜名光義 有司請

立宗廟詔百官集議尚書省乙巳兵部尚書濮人張昭昭初見乾

祐二 等上奏曰謹按堯舜禹皆立五廟蓋二昭二穆與其始

祖也有商建國改立六廟蓋昭穆之外祀契與湯也周立七

廟蓋親廟之外祀太祖及文王武王也漢初立廟悉不如禮

魏晉始復七廟之制江左相承不改然七廟之中猶虛太祖

之室隋文但立高曾祖禰四廟而已唐因隋制立四親廟梁

氏而下不易其法稽古之道斯為折衷伏請追尊高曾四代

號謚宗建廟室制可 國朝宗廟之制歲以四五月及季冬

凡五享朔望薦食薦新三年一禘以孟冬一年一禘以孟夏其

七祀春祀司命及戶夏祀竈季夏別祭中霤秋祀門及厲冬

祀行惟臘享禘禘徧七祀如親行告謝及新主祔謁即權罷

時享告日用牢饌備祀官 鎮州言契丹與北漢兵皆遁去

北漢戶部侍郎平章事榮陽趙華罷為左僕射華初見唐

主景遣使誅鍾謨於饒州詰之曰卿與孫晟同使北晟死而

卿還何也謨頓首服罪縊殺之亦誅張巒於宣州謨流饒州

副使去年二月乙亥尊帝母南郡夫人杜氏為 皇太后

后安喜人也 司徒兼門下侍郎平章事范質加侍中右僕

射兼門下侍郎平章事王溥加司空樞密使中書侍郎兼刑

部尚書平章事魏仁浦仁浦初見天福十二年衛州人加右僕射樞密使太

原吳廷祚加同中書門下二品先是質溥參知樞密院事於

是皆罷吳廷祚初以宣徽南院使 己卯以天下兵馬都元

帥吳越國王錢俶為天下兵馬大元帥 丙戌長春節賜羣

臣衣各一龍衣宰相率百官上壽賜宴相國寺 先是中書舍

人安次危蒙權知貢舉 庚寅奏進士合格者十九人姓名

辛卯大宴於廣德殿凡誕節後擇日大宴自此始 前鄉

貢三傳孫蘭治左氏春秋聚徒教授其門人有被黜退者蘭

乘醉突入貢部諠譁不已下吏案之 壬辰蘭決杖配商州

就賜前司徒竇貞固貞固泉人初前司空李穀穀汝陰人初

太子太師侯益益平遙人初扈彥琦彥琦鳳門人初見乾等

器弊於西京 宋州以歸德軍旌節來上詔置於潛龍宅

三月乙巳改天下州縣名犯 廟諱及 御名者 丙辰唐

主景遣使來賀登極 南漢宦者陳延壽言於南漢主曰陛

下所以得立由先帝盡殺羣弟故也南漢主以為然 丁巳

殺其弟桂王琬興日據司馬吳越王俶遣使來賀登極應

景復遣使來賀長春節宿州火燔民廬舍萬餘區遣中使

安撫之 壬戌追尊祖考為皇帝 妣為皇后 高

祖幽都縣令朮謚曰文獻廟號 僖祖陵曰欽陵 祖妣崔

氏謚曰文懿 曾祖兼御史中丞珽謚曰惠元廟號 順祖

陵曰康陵 祖妣桑氏謚曰惠明 皇祖涿州刺史敬謚曰

簡恭廟號 翼祖陵曰 定陵 妣劉氏謚曰簡穆 皇考

周龍捷左廂都指揮使岳州防禦使弘殷謚曰昭武廟號

宣祖陵曰 安陵陵名號謚皆翰林學士禮部侍郎兼判太

常寺事漁陽竇儼所撰定儼儀第也儼初見顯德四年有司

言 國家受周木德木生火當以火德王色尚赤臘用戌從

之 癸亥命武勝節度使洛陽宋延渥延渥初見顯德三年領舟師巡

撫江徼舒州團練使元城司超超初見顯德二年副之仍貽書唐主

諭意 己巳以皇弟光美為嘉州防禦使 先是北漢誘代

北諸部侵掠河西詔諸鎮會兵以禦之是月定難節度使守

太尉兼中書令李彝興言遣都將李彝玉進援麟州北漢引

眾去彝興即彝殷也避 宣祖諱改焉彝興初見清泰二年

傳事當兼判太常寺竇儼上言三王之興禮樂不相公襲洪

惟 聖宋建皇極一代之樂宜乎立名裡享宴會樂章固當

易以新詞式遵舊典即詔儼專其事儼請改周樂文舞崇德

之舞為文德之舞武舞眾成之舞為武功之舞改樂章十二

順為十二安蓋取治世之音安以樂之義祭天為高安祭地

為靜安宗廟為理安天地宗廟登歌為嘉安皇帝臨軒為隆

安王公出入為正安皇帝食飲為和安皇帝受朝皇后入宮

為順安皇太子軒懸出入為良安正冬朝會為永安郊廟俎

入為豐安酌獻飲福受祚為禧安祭文宣王武成王同用永

安藉田先農用靜安夏四月癸酉詔儼所定付有行之儼復請 僖祖室奏大善之舞 順祖奏大寧 翼祖奏大順

宣祖奏大慶並從之 鐵騎左廂都指揮使王彥昇夜抵宰

相王溥私第溥驚悸而出既坐乃曰此夕巡警困甚聊就公

一醉耳然彥昇意在求貨佯不悟置酒數行而罷翌日溥密

奏其事 上益惡之 丁丑出彥昇為唐州團練使唐本刺

史州於是始改焉 契丹入寇棣州刺史河南何繼筠追破

其衆於固安獲馬四百匹此從本紀按繼筠本傳則在禁盜

筠傳誤也繼筠福進子初見顯德二年十月始禁盜馬必繼

天成元年太原人也今繼筠傳乃云河南人不知何故昭義

節度使兼中書令太原李筠筠初見天福在鎮逾八年恃勇

專恣招集亡命陰為跋扈之計周世宗每優容之及 上遣

使諭以受禪筠即欲拒命左右為陳歷數乃僂俛下拜既延

使者陞階置酒張樂遽索周祖畫像置廳壁涕泣不已賓佐

惶駭告使者曰令公被酒失其常性幸毋怪也北漢主知筠

有異志潛以臘書誘筠筠雖具奏而反謀已決筠長子守節

涕泣切諫筠不聽上手詔慰撫因除守節為皇城使筠遂遣

守節入朝且伺 朝廷動靜 上迎謂曰太子汝何故來守

節矍然以頭擊地曰 陛下何言此必有讒人聞臣父也

上曰吾亦聞汝數諫老賊不汝聽不復顧藉故遣汝來欲吾

殺汝耳盍歸語而父我未為天子時任汝自為之我既為天

子汝獨不能小讓我耶守節馳歸具以告筠反謀愈急 癸

未執監軍亳州防禦使周光遜開廐使李廷玉遣其教練使

劉繼冲及判官孫孚筠誅孚以劾順故授此送於北漢納款

求援光遜德威之子德威初見廷玉嗣昭之孫嗣昭初見皆

有舊第在晉陽北漢主俱釋之厚賜遣還第筠又遣兵襲澤

州殺刺史張福據其城從事閻丘仲卿說筠曰公孤軍舉事

其勢甚危雖倚河東之援恐亦不得其力大梁兵甲精銳難與爭鋒不如西下太行直抵懷孟塞虎牢據洛邑東向而爭天下計之上也筠曰吾周朝宿將與世宗義同昆弟禁衛皆吾舊人必將倒戈來歸况吾有脩珪槍撥汗馬何憂天下哉脩珪筠愛將善用槍撥汗筠所畜駿馬也 乙酉幸玉津園

遣使分詣京城門賜飢民粥 丙戌命中使浚蔡河設斗門以節水自都城距通許鎮 以客省使萬年張保績為衛尉卿判客省閤門事保績在閤門前後四十年宣贊詞令聽者皆聳儕輩推其能累使藩方不辱君命歷事六朝未嘗有過故特寵之 保績初見顯德四年特寵之此據會要且云事在云從征李筠以足疾留河內因得長告三年十一月又卒按此則其遷衛尉卿必在征李筠之前矣今附見 昭義反書至樞密吳廷祚言於上曰潞州巖險賊若固守未可以歲月破然李筠素驕易無謀宜速引兵擊之彼必恃勇出關

但離巢穴即成禽矣 上納其言戊子遣侍衛副都指揮使石守信殿前副都點檢高懷德帥前軍進討 上敕守信等曰勿縱筠下太行急引兵扼其隘破之必矣 石守信等出軍錄在癸巳戊子四月十九日是日大宴廣德殿 丙申命戶部侍郎壽陽高防兵部侍郎陽曲邊光範並充前軍轉運使

防初見天 上召三司使清河張美調兵食美言懷州刺史馬令琮度李筠必反日夜儲俸以待王師 上亟令授令琮團練使宰相范質曰大軍北伐方藉令琮供億不可移它郡

戊戌升懷州為團練以令琮充使焉令琮大名人也 張美初 年 五月己亥朔日有食之 上降服出次百官各守其司

庚子命宣徽南院使高唐晉居潤 潤居初見 前都點檢鎮寧節度使慕容延釗彰德軍留後太原王全斌 全斌初見 率兵由東路與石守信高懷德會 辛酉以洛州

團練使博野郭進為本州防禦使兼西山巡檢備北漢也北漢主遣內園使李弼弼未以詔書金帛善馬賜李筠筠復遣劉繼冲詣晉陽請北漢主舉軍南下已為前導北漢主將謀於契丹繼冲道筠意請無用契丹兵北漢主從之即日大閱傾國自將出團栢谷羣臣餞之汾水左僕射趙鞅白李筠舉事輕易事必無成陛下掃境內而赴之臣未見其可也北漢主瞋目謂鞅曰朕志已決卿安能知其必無成耶卿有長策顧當何如鞅未及對北漢主拂衣上馬行至太平驛筠身率官屬耆老迎謁北漢主命筠贊拜不名坐於宰相博興衛融之上融初見廣封西平王正史作西平王劉恕十國紀年亦作隴西即賜馬三百匹及服玩珍異甚衆筠所獻亦略與所賜等及文武大臣皆有賂筠見北漢主儀衛寡弱不似王者內甚悔之北漢主數召筠計事筠自言受周氏恩不忍負之

而北漢主與周世仇也聞筠言亦不悅筠將還別賜馬及甲鎧具裝遣徽使萊人盧贇監其軍筠心益不平筠有馬三千匹日夕校閱欲直趣大梁贇嘗見筠計事筠不應顧左右曰大梁兵皆我昔時部曲也見我則降耳贇怒拂衣而起北漢主聞贇與筠有隙遣衛融詣軍中和解之筠留其長子守節守上黨自率衆三萬南出癸卯石守信等言破筠衆於長平斬首三千餘級又攻其大會寨是日端午賜百官衣各一襲甲辰詔削奪李筠官爵上以畿甸委輸京師吏多旁緣為姦民或咨怨乙巳命殿中侍御史王伸伸未監察御史王祐戶部郎中沈義倫等八人分領在京諸倉祐莘人也丙午幸宰相魏仁浦第視疾先是改作周六廟於西京己酉廟成遣光祿卿郭玘奉神主遷焉乙卯宴近臣於廣政殿以忠正節度使兼侍中楊承信來朝故也自是節

度使來朝即宴如例天承福初見 丁巳詔親征以樞密使吳

廷祚為東京留守端明殿學士知開封府呂餘慶副之皇弟

殿前都虞候光義為大內都點檢侍衛馬步軍都指揮使韓

令坤率兵屯河陽 己未帝發大梁 壬戌次滎陽召西京

留守河內向拱與語拱初見廣順二年嘗改名訓 拱勸 上濟河踰太行

乘賊未集而擊之稽留旬浹則其鋒益熾矣樞密直學士趙

普亦言賊意國家新造未能出征若倍道兼行掩其不備可

一戰而克 上納其言甲子次河陽丙寅次懷州丁卯前軍

都部署石守信副都部署高懷德破賊軍三萬餘眾於澤州

南獲北漢河陽節度使范守圖守圖未見殺盧贊筠遁入澤州嬰

城自固是月永安節度使折德宸破北漢沙谷寨斬首五百

級德宸從阮之子也實錄在六月甲午據奏到之日也宸六

月己巳朔 上至澤州督諸軍攻城初吐渾府都留後汾州

團練使王全德帥所部從李筠戰澤州南既敗走入潞州與

筠子守節為距守計全德及 上圍澤州 全德大懼與親

信數十人犯關來犇龍捷指揮使王廷魯廷魯亦自潞州相

繼出降賊勢轉蹙矣澤州城逾旬不下 上召控鶴左廂都

指揮使薊人馬全全又初見廣順三年不著邑里 賜食御坐問以計策全

又請併力急攻且曰緩之恐復生變 上即命諸軍奮擊全

又率敢死士先登飛矢貫臂流血被體全又拔鏃進戰士氣

益奮 上親帥衛兵繼之辛巳克其城李筠赴火死獲北漢

宰相衛融命掩尸骼禁剽掠放澤州民今年田租乙酉進攻

潞州丁亥筠子守節以城降 上赦其罪陞單州為團練用

守節為使是日 車駕入潞州宴從官于行宮 辛卯德音

降死罪囚流以下原之潞州近城三十里內勿收今年田租

諸路州府寺院經顯德二年停廢者勿復置當廢未毀者存

之澤州之未破也筠愛妾劉氏謂筠曰軍州馬尚有幾何筠曰汝何問為劉氏曰今孤城危迫旦暮且破若得馬數百匹尚可以犯圍走保上黨上黨樓堞堅固且近河東易於求援與其守死不猶愈乎筠然之料見馬且千匹將出左右或沮之曰今在帳前之人皆云與大王同心一旦出城劫大王降敵其可悔乎筠猶豫未決明日城陷筠走赴火劉氏將從之筠以其有娠麾之使去守節無子購得之生子卒為筠後北漢主聞筠敗自太平驛遁還晉陽謂趙華曰李筠無狀卒如卿言吾幸全師以歸但恨失衛融盧贇爾由是重文學之士久之華請老使食其祿終身以翰林學士承旨兵部尚書趙弘為中書侍郎兼兵部尚書平章事弘薊人也 癸巳安國節度使元城李繼勳來朝乙未命為昭義節度使繼勳初三年不 上發潞州秋七月戊申至京師 初衛融之著邑里 丁酉

被執也 上詰融曰汝教劉鈞舉兵助李筠反何也融從容對曰犬各吠非其主臣四十口衣食劉氏誠不忍負之 陛下宜速殺臣必不為 陛下用縱不殺終當間道走河東耳

上怒命左右以鐵槓擊其首流血披面融呼曰臣得死所

矣 上顧左右曰此忠臣也釋之命以良藥傅其瘡因使融

致書北漢主求周光遜等約亦歸融太原北漢主不報辛亥

以融為太府卿 壬子幸宰相范質第視疾賜黃金器二百

兩白金器千兩緡二千匹尋復賜錢百萬賜錢乃八月甲前

司空趙國公李穀初歸洛陽李筠以穀周朝名相遺錢五十

萬它物稱是穀受之及筠叛穀憂恚發病 乙卯卒 上為

廢朝一日贈侍中 戊午宴韓令坤等於禮賢講武殿賜襲

衣器幣鞍勒馬有差賞平澤潞之功也 初成德節度使金

城郭崇崇初見天 聞 上受禪時或涕泣監軍陳思晦密奏

崇初見天

聞

上受禪時或涕泣監軍陳思晦密奏

其狀且言常山近虜崇懷怨望宜早為之所 上曰我素知
崇篤於恩義此蓋感激所發耳然亦遣使偵之崇聞有使至
憂懣失據謂左右曰苟使命不測將奈何左右莫對觀察判
官辛仲甫曰公首効誠節且軍民處置率循常度朝廷雖欲
加罪何以為辭使者若至但率官吏郊迎盡禮致恭淹留伺
察當自辨明矣崇如其言日與僚佐飲博使者審崇無它即
歸奏之 上喜曰我固知崇不反也已而崇請入朝戊午命
宣徽南院使皆居潤權知鎮州仲甫汾州人崇前在澶淵仲甫
為掌書記廂虞候劫部氏二人殺之其家訴言陰識賊魁而
廂虞候者崇親吏也吏不敢詰仲甫力請補之案洽有狀吏
猶稽緩欲變其獄仲甫抗白崇曰民被寇害又使自誣重傷
甚焉用僚佐請易其獄吏以雪冤憤崇大感悟即遣司法掾
李濯移鞫之正其罪置于法 李濯未見陳思讓汾州人初見
天福六年思讓即其弟也郭崇

辛仲甫傳載中使伺察事稍不
今參校修潤使不相抵牾澶州蝗遣使督官吏分捕乙

丑唐主景遣使賀平澤潞丁卯又遣其禮部郎中龔謹儀來
貢乘輿服御物謹儀邵武人也 河陽節度使真定趙鼎以

疾歸京師是月卒 上甚悼焉初贈太子太師再贈侍中鼎
歷方鎮好聚斂無它勲勞但以周初與宣祖分掌禁軍有宗
盟之分故蒙優禮再加贈典非常例也 八月戊辰朔御崇

元殿設仗衛羣臣入閣置待詔候對官賜廊下食 庚午宴
近臣於廣德殿江南吳越朝貢使皆預自是江南吳越使來
即宴如例 壬申復升貝州為永清軍 是日幸玉津園

甲戌命近臣分詣京城諸祀廟禱雨 保義節度使河東袁
彥性兇率改出羣小陝人患之及聞禪代日夜繕甲治兵上
慮其為變命潘美往監其軍遂圖之美單騎入城諭令朝覲
彥即治裝上道 上喜謂左右曰潘美不殺袁彥成我志矣

丙子徙彥為彰信節度使 忠正節度使兼侍中楊承信為
護國節度使承信至河中或言其謀反 上遣作坊副使魏
丕賜承信生辰禮物因察之還言承信無反狀承信因是獲
没于鎮丕相州人也 忠武節度使兼侍中陽曲張永德
初見乾祐三年徙武勝節度使初顯德末有方士私為永德言 上
受命之符者永德在軍中潛意推奉將聘 孝明皇后永德
出緡錢金帛數千以助納采 上甚德之於是自許來朝命
改鎮鄧恩寵優渥舊臣無與比者其後復入覲召對苑道舊
故為樂飲以巨觥永德妻周太祖女晉國公主也但呼駙馬
而不名嘗問所寶大通犀帶安在永德曰往以征淮過用官
錢二十萬貫已償之矣 上曰尚欠幾何曰五萬貫即日詔
除其籍仍別賜二十萬從遊玉津園命衛士代執其轡時
上將有事於北漢因密訪策略永德曰太原兵小而悍加以

契丹為援未可倉卒取也臣愚以為每歲多設遊兵擾其田
事仍發間使謀虜先絕其援然後可圖 上曰善據司馬光
德以八月自許州徙鄧州而實錄本純闕略今追附于此龍
川別志云 太宗娶符后 太祖使永德助聘財今從國史
壬午以皇弟殿前都虞候睦州防禦使光義領泰寧軍節度
使 甲申立琅邪郡夫人王氏為 皇后皇妹為燕國長公
主后華池人彰德節度使饒之女也 饒初見天福 丙戌詔
有司案前代舊式作新權衡以頒天下禁私造者 十九日本
新量衡于天下按此但 右司郎中李秉 秉未 責授左贊善大
夫秉判兵吏部官告院吏盜用官錢數十萬秉不知覺故有
是命 初上征澤潞留樞密直學士右諫議大夫趙普居京
師普因皇弟光義請行 上笑曰普豈勝甲冑乎許之及第
功推賞 上曰普宜在優等戊子以普為兵部侍郎充樞密
副使 大宴廣政殿自是 大宴皆就此殿 上以長春節

在二月故每歲止設秋宴 荆南節度使守太傅兼中書令南平貞懿王高保勗寢疾以其子繼元幼弱未堪承嗣命其弟行軍司馬保勗摠判內外軍馬事甲午此據曾頤勅海行年記保勗卒保勗性迂緩御軍治民皆無法高氏始衰保勗眉目踈秀羸瘠而口吃文獻王甚愛之雖盛怒見保勗怒必解荆南人謂之萬事休郎君 乙未唐主景又遣使來賀帝還京 是月燕國長公主出降殿前副都點檢忠武節度使駙馬都尉高懷德 涇州馬步軍教練李王者本燕人性凶狡與彰義節度使白重贊有隙一日與部下閻承恕謀害重贊先遣人潛市馬纓一即偽造制書云重贊謀逆令夷其族乃持偽制并馬纓以告都校陳延正曰使者致此去矣延正得之亟白重贊具以聞 上大驚視其制書率皆詐謬遽命六宅使陳思誨馳驛赴涇州禽王與承恕鞫問具伏咸棄市擢延正為

刺史仍詔諸道凡被制書有關機宜者印文筆迹並須詳審

考驗重贊見憲州人也

重贊初見顯德元年重贊本傳載李

此月改領秦寧節度因附見月未然新舊錄本紀皆不書重贊

贊徙兗州而八月壬午太宗實領秦寧節度與百官表異不

當知百官表何據也

九月辛丑宴近臣於萬春殿後九日又

宴於廣德殿皆曲宴也凡曲宴無常惟

上所命 壬寅李

繼勳言帥師入北漢界燒平遙縣虜掠甚眾

癸卯三佛齊

王悉利大霞里壇遣使來貢方物

丙午御崇元殿備禮冊

四親廟丁未宰相率百官進名奉慰

已酉幸宜春苑 淮

南節度使兼中書令滄人李重進

重進初見廣周太祖之甥

也始與

上俱事世宗分掌內外兵權而重進以 上英武

出已右心常憚焉恭帝嗣位重進出鎮揚州領宿衛如故及

上受禪命韓令坤代重進為馬步軍都指揮使重進請入

朝

上意未欲與進相見謂翰林學士饒陽李昉明初見乾

月曰善為我辭以拒之昉草詔云君為元首臣作股肱雖在遠方還同一體保君臣之分方契永圖修朝覲之儀何須此日重進得詔愈不自安招集亡命增陴浚隍陰為叛背之計李筠舉兵澤潞重進遣其親吏翟守珣守珣間行與筠相結守珣素識上往還京師潛詣樞密承旨李處耘求見上召問曰我欲賜重進鐵券彼信我乎守珣曰重進終無歸順之志矣上厚賜守珣許以爵位且使說重進稍緩其謀無令二亮並作分我兵勢守珣歸勸重進養威持重未可輕發重進信之上已平澤潞則將經略淮南戊申徙重進為平盧節度使度重進必增疑懼庚戌又遣六宅使陳思誨齎鐵券往賜以慰安之陳思誨持鐵券往賜舊錄在是日貶中書舍人懷戎趙逢為房州司戶參軍上之親征澤潞也山程狹隘多石上自取數石於馬上抱之君羊臣六軍皆爭負石開

道逢憚涉險偽傷足留懷州不行及師還將大有除拜其命甚密逢當入直又稱疾請於私第草制上怒下御史府劾其罪而黜之陳思誨淮南李重進即欲治裝隨思誨入朝左右沮之重進猶豫不決又自以前朝近親恐不得全乃拘留思誨益治反具遣使求援於唐唐主不敢納揚州都監右屯衛將軍安友規友規以永興節度副使見乾祐元年三月知重進必反踰城來奔重進諸將皆不附已乃囚軍校數十人軍校曰吾輩為周室也戊公苟奉周室何不使吾輩効命重進不聽悉殺之己未重進反書聞上命馬步軍副都指揮使歸德節度使石守信為揚州行營都部署兼知揚州行府事殿前都指揮使義成節度使王審琦為副宣徽北院使李處耘為都監保信節度使宋延渥為都排陣使帥禁兵討之寧國軍節度使吳延福吳越王俶之舅也或告延福有異圖庚申俶遣內牙指

揮使薛温以兵圍其第收延福兄弟五人睦州刺史延遇恐
懼自殺衆欲殺延福兄弟俶流涕曰先夫人之同氣也吾安
忍置法皆除名徙諸州卒全母氏之族延福初見廣順二年不著邑里 癸
亥詔削奪李重進官爵先是邊將獲北漢民數百人甲子命
悉放還 詔文武常參官請病告過三日有司以名聞當遣
大醫診視之是月吳越始權酒酤 冬十月丁卯朔賜百官
諸軍校冬服諸州長吏屯戍將士遣使就賜之 李筠之叛
也遣使邀建雄節使真定楊庭璋姊故周祖妃 上疑其有
異志命鄭州防禦使信都荆罕儒罕儒冀州人初見為晉州顯德六年十二月為晉州
兵馬鈐轄使伺察之罕儒每入府中從者悉持刀劔庭璋開
懷接納殊不設備罕儒亦不敢發會有詔召庭璋赴闕庭璋
即日單車就道已已徙庭璋為靜難節度使 庚午安友規
至自揚州 上以為滁州刺史令監護前軍進討 壬申河

决棣州厭次縣又决滑州靈河縣 有司請據諸道所具版
籍之數陞降天下縣望以四千戶以上為望三千戶以上為
緊二千戶以上為上千戶以上為中不滿千戶為中下仍請
三年一責戶口之籍別定陞降從之凡望縣五十戶二十八
萬一千六百七十緊縣六十七戶二十二萬八千六百九十
三上縣八十九戶三十一萬八千二百八十中縣一百一十
五戶一十七萬九千三十中下縣一百一十戶五萬九千七
百七十總九十六萬七千三百五十三戶此 國初版籍之
數也 升鎮州娘子關為承天軍 乙酉晉州言兵馬鈐轄
鄭州防禦使荆罕儒戰没罕儒恃勇輕敵常懸軍深入北漢
人多閉壁不出前後虜獲甚衆於是領千餘騎抵汾州城下
焚其草市而還夕次京土原北漢主遣大將郝貴超貴超未見領
萬衆來襲黎明及之罕儒遣都監檀毯副使閻彥進彥進未見分

兵以禦貴超罕儒錦袍衷甲據胡床饗士方割羊臂膈以食
聞彥進小却即上馬麾兵徑犯其鋒北漢人橫戈舂之罕儒
墜馬為北漢人所獲罕儒猶格鬪手殺十餘人乃遇害北漢
主欲生致罕儒及聞其死求殺罕儒者戮之 上痛悼不已
擢其子守勳為西京武德副使因索京土原之將校不用命
者黜慈州團練使平陸王繼勳繼勳初見乾祐元年為率府率閻彥進
為殿直斬其部下龍捷指揮使石進德等二十九人乙酉十
新錄據奏到始書今從之先是兩京軍巡及諸州馬步判官
皆以補將吏於是詔吏部流內銓注擬選人 上問樞密副
使趙普以揚州事宜普曰李重進守薛公之下策昧武侯之
遠圖憑恃長淮繕修孤壘無諸葛誕之恩信士卒離心有袁
本初之彊梁計謀不用外絕救援內乏資糧急攻亦取緩攻
亦取兵法尚速不如速取之 上納其言下亥下詔親征以

皇弟光義為大內都部署吳廷祚權東京留守呂餘慶副之
庚戌 上發京師百司六軍並乘舟東下 癸巳次宋州城
中軍有戍揚州者父母妻子頗懷疑懼分命中使就撫之十
一月戊戌次宿州甲辰次泗州捨舟登陸命諸將鼓行而前
丁未至大義驛石守信遣使馳奏揚州即破請 上亟臨視
是夕次其城下登時攻拔之李重進盡室赴火死陳思誨亦
為其黨所害 上購得翟守珣補殿直俄遷供奉官重進性
鄙吝未嘗有觴酒豆肉及其士卒下多怨者兄深州刺史重
興初聞其叛即自殺弟解州刺史重兢貝子尚食使延福並戮
於市 己酉賑給揚州城中民未人一斛十歲以下給其半
為重進脅以隸軍者賜衣履縱之 庚戌詔重進家屬部曲
並釋罪逃亡者聽自首尸骸暴露者收瘞之役夫死城下者
人賜絹三匹復其家三年乙卯唐主景遣左僕射江都嚴續

來犒師續可求子初庚申復遣其子蔣國公從鎡戶部尚書

新安馮延魯延魯延巳弟初來置宴上厲色謂延魯曰汝

國主何故與吾叛臣交通延魯曰陛下徒知其交通不知

預其反謀也上詰其故延魯曰重進使者館於臣家國主

令人語之曰男子不得志固有反但時有可不可陛下初

立人心未安交兵上黨當是時不反今人心已定方隅無事

乃欲以殘破揚州數千弊卒抗萬乘之師借使韓白復生必

無成理雖有兵食不敢相資重進卒以失援而敗上曰雖

然諸將皆勸吾乘勝濟江何如延魯曰陛下神武御六師

以臨小國曩爾江南安敢抗天威然國主侍衛數萬皆先主

親兵誓同生死陛下能棄數萬之衆與之血戰則可矣且

大江風濤苟進未克城退乏糧道亦大國之憂也上笑

曰聊戲卿耳豈聽卿遊說耶龍哀江南野錄載馮延魯對上語乃真以為如此拒重進不

知善節說耳今從十國紀年上使諸軍習戰艦於迎鑾唐主懼甚其小

臣杜著頗有辭辯偽作商人由建安渡來歸而彭澤令薛良

坐事責池州文學亦挺身來拜且獻平南策唐主聞之益懼

上命斬著於下蜀市良配隸廬州牙拔唐主乃少安終以國

境蹙弱遂決遷都之計十二月己巳上發揚州丁亥至

京師上既即位欲陰察羣情卿背頗為微行或諫曰陛下

下新得天下人心未安今數輕出萬一有不虞之變其可悔

乎上咲曰帝王之興自有天命求之亦不可得拒之亦不能

止周世宗見諸將方面大耳者皆殺之然我亦終日侍側不能

害我若應為天下主誰能圖之不應為天下主雖閉門深居何

益既而微行愈數曰有天命者任自為之我不汝禁也由是中

外懾服親軍校有獻手搗者上曰此何以異於常搗而獻之

軍校密言曰陛下試引搗首視之搗首即劔柄也有刃韜於

柄中居常可以杖緩急以備不虞 上咲投之於地曰使我親
用此物事將奈何且當是時此物固足恃乎一日罷朝坐便殿
不樂者久之左右請其故 上曰爾謂天子為容易耶屬乘快
指揮一事而誤故不樂耳 三聖寶錄載內侍行首王繼恩請
其故按繼恩開寶中始賜姓名累
遷內侍行首 國初未也今於此年附見此事嘗彈雀於後
苑或稱有急事請見 上亟見之其所奏迺常事爾 上怒詰
之對曰臣以為尚急於彈雀 上愈怒舉斧柄撞其口墮兩齒
其人徐俯拾齒置懷中 上罵曰汝懷齒欲訟我乎對曰臣
不能訟 陛下自當有史官書之也 上悅賜金帛慰勞之
前數事皆石介 三朝聖政錄及記
聞所載未必皆在此年也今並附見

續資治通鑑長編卷第一

續資治通鑑長編卷第二

太祖啓運立極英武睿文神德聖功至明大孝皇帝
紀二

建隆二年春正月丙申朔御崇元殿受朝賀 上服袞冕設
宮懸仗衛如儀退羣臣詣 皇太后宮門奉賀 上常服御
廣德殿羣臣上壽用教坊樂 庚子占城國遣使來貢方物
壬寅幸造舡務觀習水戰 戊申詔以揚州行宮為建隆寺
太僕少卿王承哲坐舉官失實責授殿中丞 己酉 上御
明德門觀燈宴從臣江南吳越使皆與焉樓前設燈山火樹
露臺張樂陳百戲外國客各獻本國歌舞遂賜以酒食 壬
子商州言羣鼠食苗詔蠲其常賦 癸丑辛亥化門犒修河
子夫 周顯德末分命常參官詣諸州度民田多為民所訴
坐謹絀 上將循世宗之制欲先事戒勅之因謂侍臣曰比

遣使度田蓋欲勤卹下民也而民弊愈甚得非使臣圖功幸

進致其然哉今當精擇其人以副朕意遺官度田據食貨志

周制而常準崔遜黜責皆繫之二年正月則元年蓋嘗遣官

矣本紀實錄乃無其二事二年正月壬子實錄始載今當精

擇其人言之則食貨志誤矣崔遜田伊陽令為太子洗馬元

據實錄本紀則常準前兩任官二年四月甲午也而食貨志

并二月事合言之疑作志者便文不考其年月先後故失其實

未嘗遣官如崔遜等也實錄又云崔遜責伊陽未滿歲除洗馬

得其人如崔遜等也實錄又云崔遜責伊陽未滿歲除洗馬

云未滿歲則其實在顯德未矣若在建隆初則才逾三月耳

不當云未滿歲也按王仁鎬傳稱顯德中國子博士上官瓚

括田河中所實賦增賦調比戶怨德仁鎬奏罷之蓋當是時坐

度田非實賦增賦調比戶怨德仁鎬奏罷之蓋當是時坐

為民所訴坐謹絀丁巳分遣常參官詣諸州度民田紀此從本

庶無所抵牾云

舊錄盡

詔發京畿陳許丁夫數萬以右領軍衛上將軍陳承

昭督之道閔水自新鄭與蔡水合貫京師南歷陳穎達壽春

以通淮右舟楫承昭江表人也承昭初見顯德四年已未幸

造船務 甲子斬澤州刺史張崇詒初崇詒為泗州刺史李

重進出領淮南崇詒迎說以完聚之計重進既敗其事乃露

故命戮焉 監修國史王溥等上唐會要一百卷唐德宗時

蘇冕始撰會要四十卷武宗時崔鉉又續四十卷溥等於是

采宣宗以降故事共勒成一百卷詔藏史館賜物有差 二

月丙寅幸飛山軍營閱砲車 庚午幸造船務 壬申命給

事中范陽劉載往定陶督曹單丁夫三萬浚五丈渠自都城

北歷曹濟及鄆以通東方之漕 上因謂侍臣曰煩民奉已

之事朕必不為也開導溝洫以濟京邑蓋不獲已耳 癸酉

權知貢舉竇儀奏進士合格者十一人 甲戌幸城南觀修

水櫃 丁丑唐主景遣使來賀長春節 已卯遣通事舍人

王守正使江南勞唐主之遷都也守正先是藩鎮率遣親吏

視民租入槩量增溢公取餘羨符彥卿在天雄軍取諸民尤

悉 上聞之即遣常參官分主其事民始不困於重斂於是

出公粟賜彥卿以媿其心朔記即以賜粟事繫之元年五月命王伸等監在京諸倉後今從實
 錄舊制竊盜賊滿綸三疋者棄市已丑改為錢三千其陌八十令民二月至九月無得採捕蟲魚彈射飛鳥有司歲申明之 辛卯幸迎春苑宴射 是月唐主始遷於南都立吳王從嘉為太子監國留左僕射嚴續知樞密院事湯悅佐之悅即殷崇義池州人也姓犯 宣祖迫隘官府營解十不容一二力役雖繁無所施巧羣臣日夜思歸唐主悔怒欲誅始謀者樞副使給事中唐鎬發病卒江南野錄鎬自縊今從五代史鎬初見顯德六年七月
 里 丙申內酒坊火坊與三司接火作之夕工徒突入省署上登樓見之以酒坊使左承規副使田處嵩縱其下為盜並棄市酒工五十人命斬於諸門宰臣極諫 上怒微解遽追釋之獲免者十二人而已 初五丈河泥淤不利行舟詔右監門衛將軍陳承昭於京城之西夾汴河造斗門自滎陽鑿

渠百餘里引京索二水通城壕入斗門架流于汴東匯于五丈河以便東北漕運甲辰新水門成 上臨視焉 乙巳賜樞密副使趙普宅一區 辛亥以雄武節度使守太保兼中書令太原郡王王景為鳳翔節度使充西面沿邊都部署景拔人景初見天福三年起兵伍性謙退折節下士每朝廷使至雖卑位皆送迎周旋盡禮左右或言王位崇不宜過自損抑景曰人臣重君命固當如此我惟恐不謹爾建隆初封郡王朝廷以吏部尚書張昭為使景尤加禮重遣昭萬餘緡左右或言其過厚景曰我在行間即聞張尚書名今使於我是國家厚我也豈可以往例為限於是自秦州來朝 上優待之宴賜加等復遣鎮鳳翔 宰相范質王溥相繼卧疾 上命翰林醫官王襲米瓊視之質溥皆瘳 上喜於是襲為光祿寺丞瓊為都水監主簿 北漢寇麟州防禦使楊重勳擊走之

重勳即重訓也避周恭帝諱改為廣順二年冬重訓初見顯

麟州來降即命為防禦使令文武官及致仕官僧道百姓自今長春節及

它慶賀不得輒有貢獻 癸亥 上步自明德門幸作坊宴

射酒酣顧前鳳翔節度使兼中書令臨清王彥超曰彥超初

年三卿曩在復州朕往依卿卿何不納我彥超降堦頓首曰當

時臣一刺史耳勺水豈可容神龍乎使臣納陛下陛下安有

今日 上大笑而罷閏三月甲子朔彥超上表待罪於私第

上遣中使慰撫之因謂侍臣曰沈湎於酒何以為人朕或因

宴會至醉經宿未嘗不悔也侍臣皆再拜本紀及舊錄皆於

甲子初一日也與癸亥實相接矣蓋因王彥超上表殿前都

待罪故云而新錄乃於己已始載之恐誤也今不取殿前都

點檢鎮寧軍節度使慕容延釗罷為山南西道節度使侍衛

親軍都指揮使韓令坤罷為成德節度使自是殿前都點檢

遂不復除授 己巳幸玉津園 庚午詔開封府集眾杖殺

皇建院僧輝文僧錄瓊隱等十七人各決杖配流先是 上

還自揚州左右街僧道出迎輝文等携婦人酣飲傳舍為其

黨所告逮捕按驗得實故有是命 壬申唐主遣使貢金器

二千兩銀器萬兩錦綺二千段謝生辰之賜也 丁丑金商

房三州民飢遣使賑之 癸未幸迎春苑宴射 丙戌韓令

坤慕容延釗辭宴於廣政殿自是節度使已上出使赴鎮宴

如儀 是春詔申明周顯德三年之令課民種植每縣定民

藉為五等第一種雜木百每等減二十為差桑棗半之男女

十歲以上人種韭一畦闊一步長十步乏井者鄰伍為鑿之

令佐以春秋巡視其數秩滿赴調有司第其課而為之殿最

此據本志在二月不得其目今附見閏月後又詔自今民有逃亡者本州具戶籍

頃畝以聞即檢視之勿使親鄰代輸其租此據本志附見不

夏四月癸巳朔日有食之 甲午給事中常準奪兩官授兵

部郎中免先是大名館陶民郭贄詣闕訴括田不均詔令它縣官按視所隱頃畝皆實上怒本縣令程迪決杖流海島準實為括田使故責之常準穎州團練范再遇請老授左金吾衛將軍致仕別降璽書勞問之再遇故唐將以泗州降者也再遇見顯德四年壬寅詔先代帝王陵寢令所屬州府遣近戶守視前賢冢墓有隳毀者即加修葺滄州無棣縣民趙遇詐稱皇弟付有司鞫實斬于東市己未杖殺滴河縣令李瑤左贊善大夫申文緯除籍為民文緯奉詔按田瑤受贓文緯不之察為部民所訴故也右神武將軍李懷節出典坊州受代歸闕行次華州忿其從者王乘醉手斬之為其黨所訟下吏按劾乙卯責授率府率漢初犯私麴者並棄市周祖始令至五斤死上以周法尚峻壬申詔民犯私麴十五斤以私酒入城至三斗者始處極典其餘罪有差私市酒麴減

造者之半上又以前朝鹽法太峻是日定令官鹽闌入禁地貿易至十斤煮醱至三斤者乃坐死民所受蠶鹽以入城市三十斤以上者奏裁太宗實錄太平興國二年云先是官貨蠶鹽令民隨夏秋賦租其直食貨志云唐有蠶鹽皆賦於民隨夏稅收錢絹年實錄少異當考五月癸亥朔上御崇元殿受朝服通天冠絳紗袍仗衛如式德音降死罪囚流以下釋之時皇太后寢疾上憂懼乃曲赦天下以祈冥祐焉乙丑天狗隨西南欽天歷推驗稍踈詔司天少監洛陽王處訥等重加研覈欽天歷初成處訥私謂王朴曰此歷不久即差因指其當差處以示朴朴深然之初周世宗命國子司業兼太常博士洛陽聶崇義崇義初見詳定郊廟器玉崇義因取三禮舊圖考正同異別為新圖二十卷丙寅來上詔加褒賞仍命太子詹事汝陰尹拙集儒臣參議拙多所駁難崇義復引經解釋乃悉以下工部尚書實

儀裁處至當然後頒行 三佛齊國遣使來貢方物 甲戌
令殿前侍衛司及諸州長吏閱所部兵驍勇者升其籍老弱
怯懦者去之初置剩員以處退兵此但令諸州揀去老弱者耳即送強壯以補兩司之
關乃乾德三年八月事兵志及經武聖畧等多并言之非是今從實錄 丁丑詔以安邑解縣兩
池鹽給徐宿鄆濟之民先是數郡皆食海鹽沂流而運其費
倍多故釐革之 戊寅賜左補闕氏居方引進副使耶承遷
等錢各十萬令與兩浙江南進奉使飲博居方承遷未見舊制文武
常參官各以曹務閑劇為月限考滿即遷 上謂宰相曰若
是非循名責實之道會監門衛將軍魏仁滌等仁滌治市征
有羨利已卯並詔增秩因罷歲月序遷之制 令諸州勿復
調民給傳置悉代以軍卒此從新錄及本紀舊錄蓋無之 五代以來刑典
弛廢州郡掌獄吏不明習律令守牧多武人率恣意用法金
州民馬從玘子漢惠無賴嘗害其從弟又好為斂數閭里患

之從玘與妻及次子共殺漢惠防禦使仇超判官左扶悉按
誅從玘妻及次子 上怒超等故入死罪令有司劾之並除
名流扶海島自是人知奉法矣此事新舊錄皆不載今從本紀載於此月其日則闕之
是月蜀以翰林學士承旨吏部侍郎華陽歐陽炯為門下侍
郎兼戶部尚書平章事母昭裔及范仁恕皆致仕恕尋卒此據
十國 六月甲午 皇太后崩后聰明有智度每與 上參
決大政猶呼趙普為書記常撫之曰趙書記且為盡心吾兒
未更事也尤愛皇弟光義然未嘗假以顏色光義每出輒戒
之曰必與趙書記偕行乃可仍刻景以待其歸光義不敢違
寢疾 上侍藥餌不離左右疾革召普入受遺命 后問上
曰汝自知所以得天下乎 上嗚咽不能對 后曰吾自老
死哭無益也吾方語汝以大事而但哭耶問之如初 上曰
此皆 祖考及 太后餘慶也 后曰不然政由柴氏使幼

兒主天下羣心不附故耳若周有是君汝安得至此汝與光
義皆我所生汝後當傳位汝弟四海至廣能立長君社稷之
福也 上頓首泣曰敢不如 太后 教因謂普曰

汝同記吾言不可違也普即就榻前為誓書於紙尾署
曰臣普記 上藏其書金匱命謹密宮人掌之

聞稱正史及新錄而傳立二弟其意謂太宗及秦王廷美也今
從正史不附故太宗母弟也若并及廷美則立謂廷美當是時年二
羣情不附故太宗母弟也若并及廷美則立謂廷美當是時年二
也舍嫡孫而立庶子人情始不然則太宗亦入受顧命而記開不
載今從記聞誤也正史新錄稱趙普有異論及普顧命則普書
矣又金匱從記得普所書乃釋然若同於牀下受顧命則普書
按太宗實不在旁也正史新錄別加剛修遂失事實耳故必以
太宗親語宰相國史著之其迹明甚不知遺事果何所據迺
太后王氏所生非也謹按廷美與趙廷俊同母母姓耿氏實
太宗親語宰相國史著之其迹明甚不知遺事果何所據迺

云爾就使廷美真杜太后所生有罪黜廢於親親之道
指而愛廷美與親所生不異故出俗則有是說且太后事
年六十崩時廷美親所生不異故出俗則有是說且太后事
况所謂建隆遺事者亦不必皆禹偁所記耶臣壽嘗辨之具
開寶九年九月 壬子翰林學士單父正著言時雨稍愆請
令近臣按舊禮告天地宗廟社稷及望告嶽鎮海瀆於北郊
詔從之 著初見顯德 丙辰宰臣王溥為 皇太后山陵使
丁巳吏部郎中閻式 式未 奪兩任官式監納河陽夏稅倉
上得式所收一斛有五升之羨故黜之其後右衛率府率薛
勳著作佐郎徐雄亦坐監納民租槩量失平為偵者所告皆
免官 勳雄皆 國子司業趙洙為宗正少卿洙父名漢卿憲司
以其冒寵授官欲糾之執政者舉禮文不偏諱乃止 洙未
是月唐主景昶於南都秋七月以喪歸金陵 景昶歸金陵在
定錄 有司議梓宮不宜復大內太子從嘉不可乃殯於正

寢從嘉即位改名煜尊母鍾氏為太后父名泰章易其號曰聖尊后立妃周氏為國后封弟鄧王從善為韓王莒公從鎰為鄧王從謙為宜春王從度為昭平郡公從信為文陽郡公右僕射嚴續為司空平章事吏部尚書門下侍郎知樞密院湯悅為右僕射樞密使大赦境內文武進位有差罷諸道屯田務歸本州縣先是唐主用尚書員外郎李德明議興復曠土為屯田以廣兵食水部員外郎賈彬嗣成之所使典掌者皆非其人侵擾州縣豪奪民利大為時患及用兵淮南罷其尤劇者尚處處有之至是悉罷使職委所屬縣令佐與常賦俱徵隨所租入十分賜一以為祿廩民稍休息焉李德明以尚書員外郎初見乾佑二年七月無爵里仕至工部侍郎文理院學士誅死在顯德三年三月開曠士為屯田在廣順二年罷屯田害民尤甚者戊辰遣使修北嶽廟初上既誅李筠及重進一日召趙普問曰天下自唐季以來數十年間帝王凡易

八姓戰鬪不息生民塗地其故何也吾欲息天下之兵為國家長久計其道何如普曰陛下之言及此天地人神之福也此非它故方鎮太重君弱臣彊而已今所以治之亦無它竒巧惟稍奪其權制其錢穀收其精兵則天下自安矣語未畢上曰卿勿復言吾已諭矣時石守信王審琦等皆故人各典禁衛普數言于上請授以它職上不許普乘間即言之上曰彼等必不吾叛卿何憂普曰臣亦不憂其叛也然熟觀數人者皆非統御才恐不能制伏其下苟不能制伏其下則軍伍間萬一有作孽者彼臨時亦不得自由耳上悟於是召守信等飲酒酣屏左右謂曰我非爾曹之力不得至此念爾曹之德無有窮盡然天子亦大艱難殊不若為節度之樂吾終夕未嘗敢安枕而卧也守信等皆曰何故上曰是不難知矣居此位者誰不欲為之守信等皆頓首曰陛下

下何為出此言今天命已定誰敢復有異心 上曰不然汝曹雖無異心如麾下之人欲富貴者何一旦以黃袍加汝之身汝雖欲不為其可得乎皆頓首涕泣曰臣等愚不及此惟陛下哀矜指示可生之途 上曰人生如白駒之過隙所為好富貴者不過欲多積金錢厚自娛樂使子孫無貧乏耳爾曹何不釋去兵權出守大藩擇便好田宅市之為子孫立永遠不可動之業多置歌兒舞女日飲酒相懽以終其天年我且與爾曹約為婚姻君臣之間兩無猜疑上下相安不亦善乎皆拜謝曰陛下念臣等至此所謂生死而肉骨也明日皆稱疾請罷 上喜所以慰撫賜賚之甚厚庚午以侍衛都指揮使石守信為天平節度使殿前副點檢忠武節度使高懷德為歸德節度使殿前都指揮使義成節度使王審琦為忠正節度使侍衛都虞候鎮安節度使張令鐸為鎮寧節度使

皆罷軍職獨守信兼侍衛都指揮使如故其實兵權不在也殿前副都點檢自是亦不復除授云 此事最大而正史實錄皆畧之甚可惜也今追書按司馬光記間云守信等皆以散官就第誤矣王筆錄蓋得其實今從之文辭則多取記間稍益以丁謂談錄筆錄祖與趙普之意但不欲守信等典禁軍耳豈不令守信等各居方鎮耶太祖云為天子不若為節度使樂是欲守信等出為節度使也及開寶三年冬十月乃罷王彥超等節度使蓋記間誤并二事為一耳邵伯溫見間錄又云王審琦坐擅入禁中救大故罷不知何時罷者凡 壬午以皇弟秦寧節度使人初不錄入禁中救火也今不取 使兼殿前都虞候光義行開封尹同平章事嘉州防禦使廷美為山南西道節度使先是范質奏疏言光義廷美皆品位未崇典禮猶闕伏乞並加封冊申錫命書或列於公台或委之方鎮皇子皇女雖在襁褓者乞下有司許行恩制又言宰相者以舉賢為本職以掩善為不忠所以上佐 一人開物成務端明殿學士呂餘慶樞密副使趙普富有時才精通治道經事霸府歷歲滋深自 陛下委以重難不孤倚任每因

款接備觀公忠伏乞授以合司俾申才用今宰輔未備久難
其人以二人器能攀附之幸會實之此任孰謂不然上嘉
納之上謂殿前衛士如虎狼者不下萬人非張瓊不能統
制乃自內外馬步軍都頭壽州刺史擢殿前都虞候領嘉州
防禦使瓊館陶人也瓊初見顯德三年三月命內客省使王贊權知揚
州軍府事贊乘舟以往溺於閭橋上嗟悼謂左右曰是殺吾
樞密使也贊常為河北諸州計度使五代姑息藩鎮有司不
敢繩以法贊振舉綱維所至發擿姦伏無所忌上知贊可
付以事因使完葺揚州蓋將大用之而贊遽死贊觀城人也
是月陳承昭塞棣滑決河役成賜錢三十萬唐句容尉廣
陵張佖上書陳十事其一舉簡要二略繁小三明賞罰四重
名器五擇賢良六均賦役七納諫諍入究毀譽九節用十屈
已唐主嘉納擢為監察御史佖因劾奏德昌宮使傳宏妄毀

都城所創樓堞率多隳壞禮賓使孟駢建議於星子造大艦
以禦敵累年不能成蠹國害民皆請置法唐主不聽手詔開
諭之拜御史從國史十事之目據鄭文寶江表志又載吳越
自五月不雨至七月八月甲辰唐桂陽郡公徐邈奉其主
景遺表來上邈未義武節度使同平章事孫行友行友初見
旼在鎮逾八年而狼山妖尼深意黨益盛深意亦見開上初
即位行友不自安累表乞解官歸山上不許行友懼乃繕
治甲兵將棄其帑還據山寨以叛兵馬都監樂繼能密表其
事繼能上遣閤門副使武懷節懷節未見馳騎會鎮趙之兵偽稱
巡邊直入定州行友不之覺既而出詔示之令舉族歸朝行
友蒼黃聽命既至命侍御史李維岳維岳未見即訊得實已酉制
削奪行友官爵禁錮私第取尼深意尸焚之都城西北隅行
友弟易州刺史方進姪保塞軍使全暉皆詣關待罪詔釋之

辛亥女真國遣使盟突刺來貢名馬幸崇夏寺觀修三門永濟縣主簿郭顛坐贓一百二十萬棄市 詔緣邊諸寨有犯大辟者送所屬州軍鞠之無得輒斷 曹州寬甸令侯陟以清幹聞甲寅擢左拾遺知縣事節度使袁彥頗為不法陟抗章言之彥上表謝自陳無罪 上亦不窮治焉陟長山人也 丁巳詔刑部應諸道州府有犯監麴人合配役者祇令本州充役示寬典也 國子易博士郭忠恕被酒與太子中舍符昭文喧競於朝掌御史彈奏忠恕叱臺吏奪其奏毀之己未責忠恕為乾州司戶叅軍昭符免所居官忠恕洛陽人也庚申史館上周世宗實錄四十卷賜監修國史王溥修撰官扈蒙器幣有差 詔華州修西嶽廟 九月壬戌唐主煜遣中書侍郎馮謐來貢謐即延魯也唐主手表自陳本志冲淡不得已而紹襲事大國不敢有二鄰於吳越恐為所讒 上優

詔以荅焉初周世宗既取江北貽書江南如唐與回鶻可汗之式但呼國主而已上因之於是始改書稱詔 甲子以荆南行軍司馬寧江節度使高保勗為荆南節度使 上初聞保融之喪遣兵部尚書萬年李濤濤初見天福二年回之族曾孫往弔及還上問保勗堪其事否濤以為可任而保勗貢奉亦數至乃授節鉞保勗性淫恣日召市倡集府署擇士卒之壯健者使相媒狎保勗與姬妾帷簾共觀笑之又好營造臺榭極土木之功軍民咸怨訛室孫光憲諫曰 宋有天下四方諸侯屈服面內凡下詔書皆合仁義此湯武之君也公宜克勤克儉勿奢勿僭上以奉朝廷中以嗣 祖宗下以安百姓若縱佚樂非福也保勗不從光憲貴平人也光憲初見天成年是日契丹解利來降 癸酉以鴻臚少卿盧俊為京畿東路發運使盧俊未見 戊子遣鞍轡庫使梁義如江南弔祭 上召見面賜約束因

謂左右曰朕每遣使四方常諭以謹教頗聞鮮克由禮遠人何觀焉左右請齊之以刑上曰齊之以刑豈若其自然耶要當審擇其人耳梁義未見詔罷大宴以皇太后喪故也

冬十月癸巳唐主以皇太后山陵遣戶部侍郎北海韓熙載太府卿田霖來助葬熙載初見天成年霖未見乙未升棣州為

團練以副使何繼筠充使丙申命樞密承旨方城王仁贍使江南以唐主新立往申慶賜也初五代募民盜戎人馬

官給其直籍數以補戰騎之闕上欲敦信保境戍戍勅公邊諸州禁民無得出塞侵盜前所盜馬盡令還之由是夷狄

畏慕不敢內侮丙午祔葬明憲皇太后于安陵唐主以南都留守韓王從善為司徒兼侍中諸道兵馬副元帥鄧

王從鎰為司空南都留守令諸司無職事官四品以下至九品日二負待制於內殿仍各上封事三兩條時有才高位下

者私喜其言得達多所開陳而迄莫施衆始失望是月命

知制誥河內盧多遜看詳進策獻書人文字升降以聞十一月己巳幸相國寺遂幸國子監壬申宴宰臣節度防禦

團練刺史統軍諸軍廂主軍指揮使以上及諸道進奉使於廣政殿不作樂時明憲太后山陵諸道並遣使進奉於是

禮畢特犒之癸酉以沙州節度使同平章事曹元忠及其子瓜州團練使延敬皆遣使來修貢元忠義金之子也義金初

見大中五年後見咸通十三年及同光二年元忠嗣為節度使據會要在顯德二年後據薛居正五代史則義金卒於天福五年二月子元德襲其位而天福八年正月又載沙州留後曹元深除歸義節度使開運三年乃書以瓜州刺史曹元忠為沙州留後而因史及會要已卯上始獵於近郊賜

宰相樞密使節度觀察防禦團練使統軍侍衛諸軍都校錦袍其日先出禁軍為圍場五坊以鷹犬從上親御弧矢射

中走兔從官貢馬稱賀中路頓召近臣賜飲至夕還宮其後

凡出田皆然從臣或賜窄袍暖鞞親王以下射中者賜焉

癸未詔以濠楚民飢令長吏開倉振貸 晉州言敗北漢軍

於汾西獲馬牛驢數千計此時趙元徽為節度使而本傳不載此事實錄亦無之豈元徽實未赴

鎮即不知果誰守晉州也武守琪亦晉州事迹固史殊不詳此或是守琪耳當考十二月壬辰回

鶻可汗景瓊遣使來貢方物甲午于闐國王李聖天遣使來

貢方物 乙未昭義節度使李繼勳奏敗北漢軍千餘人斬

首百餘級獲遼州刺史傳廷彥第勳以獻 代州刺史折仁

里党項蕃部之大姓也世居河西接鄰虜境 上以其有扞

邊之功召令入覲復命歸領刺史如故辛丑辛新修河倉庚

戌敗於近郊 癸丑遣供奉官李崇贊崇贊未見使吳越賜以羊

馬橐駝等 乙卯中書門下言得太常禮院狀 皇后姊太

皇后姊太原郡君王氏卒准禮例 皇后當出就故彰德節

度使王饒弟發哀成服百官詣其第進名奉慰從之 周廣



順初鎮州諸縣十戶取才勇者一人為弓筈削手餘九戶資以

器甲芻糧是歲詔釋之凡一千四百人此據兩明兵志始置藏冰

務常以孟夏命官用幣以黑牡祭玄冥之神乃開冰薦

于太廟 初南漢女巫樊胡子自言主皇降其身因官者

陳延壽以見南漢主南漢主於內殿設帷帳陳寶貝胡子冠

遠遊衣紫裾坐帳中宣禍福呼南漢主為太子皇帝國事皆

決於胡子內太師龔澄樞女侍中盧瓊仙等附之胡子每為

南漢主言瓊仙澄樞延壽等皆上天使來輔太子有罪不可

問是歲芝菌生宮中野獸觸寢門苑中羊吐珠井旁石自起

行百餘步乃什胡子皆以為符瑞風羣臣入賀登樞見顯德三年瓊仙見

乾祐三年唐主煜追謚其父景為明道崇德文宣孝皇帝廟號

元宗陵號順陵蓋因馮謚以請於上而為之

續資治通鑑長編卷第二

續資治通鑑長編卷第三

太祖啓運立極英武睿文神德聖功至明大孝皇帝
紀三

建隆三年春正月己巳命淮南道官吏發倉廩以賑飢民初
戶部郎中沈義倫使吳越歸言揚泗飢民多死郡中軍儲尚
百餘萬可貸至秋乃收新粟有司沮義倫曰若歲荐飢將無
所取償孰當執其咎者上以詰義倫義倫曰國家方行仁政
自宜感召和氣立致豐稔寧復憂水旱耶上悅故有是命
倫傳不載其年故事稱元年室訓稱二年亦不知的是何日
按倫於元年二月壬戌初除戶部郎中四月乙卯受詔分督
在京諸倉則使吳越必在督倉以後安得尚指秋粟其稱元
年者誤也稱二年者亦無所證據而此年正月乃有此命疑
此即十一月丙寅乃自戶部郎中除給事中庚午幸迎春苑
宴射甲戌發開封浚儀民城皇城東北隅殿前都指揮使
義成節度使武安韓重贇董其役詔諸州長吏勸課農桑

自後或因歲首必下此詔 丙子加曹元忠兼中書令元忠
子延敬為瓜州防禦使賜名延恭 禁諸州鐵鑄錢及江南
所鑄唐國通寶錢民間有者悉送官所在設棘圍以受之敢
有藏隱許人陳告重賞之法 庚辰女真國遣使只骨來修
貢 詔州縣不得役逆旅僑居民充逋夫 癸未幸國子監
丁亥以監察御史劉湛為膳部郎中湛奉詔權茶于蘄春歲
入增倍遷拜越級非舊典也湛未見是月修西京古道峻隘處
悉令坦夷 二月庚寅令翰林學士文班常參官曾任幕職
州縣者各舉堪為賓佐令錄一人如有近親亦聽內舉異時
貪濁畏懦職務曠廢者舉主坐之 癸巳令諸道州府依法
斷獄毋得避事妄奏取裁違者量罪停罰量罪停罰乃乾德
今并列于此不復重出于彼甲午詔自今每五日内殿起居百官以次
轉對並須指陳時政得失朝廷急務或刑獄冤濫百姓疾苦

咸采訪以聞仍須直書其事不在廣有牽引事關急切者許
非時詣 閣上章不得須候次對 己亥詔切盜賊滿五千
足陌者乃處死 蜀主以秦王玄喆為皇太子令起居前導
者皆呼殿下毋得斥言皇太子宰相成都李昊疏其不可乃
止 玄喆見乾祐三年
昊見同光二年壬寅 上謂近臣曰今之武臣欲盡
令讀書貴知為治之道近臣 皆莫對
在此年 六月崔頌傳亦云三年
夏始聚生徒而室訓載武臣讀書事
乃因賜頌等誤也今不取史臣李沆等曰昔光武
中興不責功臣以吏事及天下已定數引公卿即將講論經
義夜分乃罷蓋創業致治自有次第今 太祖欲令武臣讀
書可謂有意于治矣近臣不能引以為對識者非之 丁未
詔自今宰相樞密使帶平章事兼侍中中書令節度使者依
故事納禮錢宰相樞密使三百千藩鎮五百千充中書門下
公用仍於中書刻石記授上年月已經納者後雖轉官不在

更納舊相復入者納如其數時中書門下言唐制凡視事於中書者納禮錢三千緡近頗隨發乞舉行之故也 甲寅北漢寇潞晉二州守將擊走之 丙辰幸國子監遂幸迎春苑宴從官 三月戊午朔控鶴右廂都指揮使尹勳削奪官爵配隸許州爲教練使先是勳督丁夫浚五丈河陳留丁夫夜潰勳擅斬其隊長十餘人追獲亡者七十餘人皆刎其左耳有詣闕稱冤者兵部尚書李濤以病卧家聞其事力疾草奏乞斬勳以謝百姓濤家人曰公久病宜自愛養朝廷事姑置之濤憤然曰死者人之常吾豈能免但我爲兵部尚書知軍校無辜殺人豈得不論 上覽其奏嘉之然念勳素忠勇止薄責焉勳後儀人也 壬戌三佛齊國遣使朝貢 癸亥分命近臣於京城祠廟禱雨 甲子詔以沂州民飢賜種食丁卯幸太清觀遂幸開封尹後園宴射 上謂宰臣曰五代

諸侯跋扈多枉法殺人朝廷置而不問刑部之職幾廢且人命至重姑息藩鎮當如此耶乃令諸州自今決大辟訖錄案聞奏委刑部詳覆之 河南府判官盧文翼除名法曹參軍桑瑱奪兩任官有尼法遷者私用本師財物準法不死文翼以盜論寘於極典故責之 己巳大雨放百官朝 乙亥遣使如江南賜唐主生辰國信物 詔翰林學士班位宜在諸行侍郎之下官至丞郎者即在常侍之上至尚書者依本班故事翰林學士侍從親密不在外朝每五日起居班于宰相之後會宴即坐一品之前合班在尚書之上於是陶穀以禮部尚書爲學士丞旨而同列李昉等官止列曹郎中穀乃因事建白而降此詔實自表異軋昉等也 丙子權知貢舉王著奏進士合格者十五人丁丑女眞遣使朝貢 戊寅詔三司春冬送戍卒衣並官給車乘毋得調發民丁 己卯封丘

縣令蘇允元坐申雨降不實免官 壬午有司上重定合班
儀制升天曹侍郎在給舍上郎中在補闕上負外郎在拾遺
上節度使在六曹侍郎上中書侍郎下故事北省官為侍從
班五品押南省四品八品押南省五品節度使在諸司三品
下於是改焉 丁亥徙北漢降民於邢洛州計口賦以粟
唐馮謐表求舒州舊宅及田詔賜之 禁民以火葬 是月
詔增官鹽闌入至三十斤煮鹽至十斤坐死蠶鹽入城市百
斤以上奏裁又修酒麴之禁凡私造差定其罪城郭二十斤
鄉間三十斤棄市民敢持私酒入京城五十里西京及諸州
城二十里至五斗死所定里數外有官署沽酒而私酒入其
地一石棄市此據 初留從効既來稱藩聞唐主南遷疑將
襲已頗懼乃遣其子紹鎮重幣往謝又潛遣使假道吳越入
貢紹鎮至豫章而元宗之喪已東歸元宗李景也今依資治
通鑑法借偽諸國皆即

用其歸紹鎮因抵金陵唐主留之 上亦遣使厚賜從効未至
而從効疽發背死少子紹鎮掌留務居無何吳越遣使聘泉
州紹鎮夜召其使與之燕語統軍使陳洪進誣紹鎮謀叛欲
以其地入吳越執紹鎮送于唐推統軍副使張漢思為留後
已為副使陳洪進臨淮人初見開運元年張漢思亦見開運
元年洪進不著邑里留從効寢疾為牙校張漢思陳
洪進所劫漢思自稱留後洪進乃執紹鎮而陳洪進傳乃稱從効
卒紹鎮掌留務月餘洪進乃執紹鎮推漢思自相予楮以他
言參考洪進傳得其實而從効傳誤也從効病當在二年冬
其死在今年春大定錄於三日載從効卒然不知的是何日
亦不載月 夏四月乙未詔奉使江南者毋得將其國所用
錢過江北 御史中丞洛陽劉溫叟上疏言伏見兩京百司
漸乏舊人多墮故事雖檢閱具存於往冊而舉行須在於攸
司蓋因年限得官歸司者例與減選冬集赴調授任者尋又
出京兼有纒滿初官不還舊局但稱前資用圖免役又有嘗
因停任切欲歸司而元勅不該無由復職遂使在司者失於

教習歷事者難於追還伏望自今諸司職掌除官勒留及歸
司者如理減外欠三選已下仍須在司執行公事及三十月
即許赴集如理減外欠三選已上及在官不成資考者即準
元勅處分若在任停官及在司停職有經恩後於刑部出給
雪牒却勒歸司如無闕負即令守闕餘依勅格處分從之溫
初見開運元年 丙申以前忠正節度使趙贊為彰武節度
六月岳之子也 使贊別受密旨許便宜從事將至延州乃前後分置步騎使
緜緜不絕林莽之際遠見旌旗所部羌渾來迎莫測其數相
視奪氣莫不畏服贊延壽之子也趙贊初見漢 戊戌幸太
清觀 庚子西州回鶻阿督等來貢方物 壬寅邢州言北
漢民四百七十人來降 乙巳皇兄光濟贈中書令追封邕
王皇弟五弟贈侍中追封夔王賜名光贊故會稽郡夫人賀
氏追冊為皇后皇第三妹追封陳國長公主賀氏開封人公

主 宣祖禾女與 上同母未笄而夭 戊申置鎮州百井
寨 北漢寇麟州防禦使楊重勳擊走之 定難節度使李
彝興遣使貢馬三百匹 上方命王工治帶親臨視之召其
使問彝興腰圍幾何使言彝興大腰腹 上曰汝帥真福人
遂遣使以帶賜之彝興感服 先是唐將士降者其家屬猶
在江南 五月丁巳朔詔唐主尋訪發遣 甲子幸相國寺
禱雨遂幸迎春苑宴射 乙亥發潞州民開太行道通餽運
丙子升青州北海縣為北海軍仍以內殿直都指揮使楊光
美為軍使光美為政簡易民甚愛之後三年召還北海民數
百人守闕下乞留詔諭之不肯去嘗其為首者始罷光美文
水人也 河北諸州旱遣中使視之又命司勳郎中何幼冲
等六人乘傳檢旱苗幼冲 甲申幸太清觀又幸相國寺禱
雨 乙酉詔撤樂太官進蔬食 詔縣令佐檢察差役務底

均平或有不當者許民自相糾舉京百司補吏須不礙差役
乃聽 是月始大治宮闕倣西京之制命韓重贊董其役
六月辛卯詔宿州發廩賑飢民 秦州夕陽鎮古伏羌縣之
地也西北接大藪材植所出戎人久擅其利及尚書左丞高
防知秦州因建議置采造務闢地數百里築堡據要害戍卒
三百人自渭而北則屬諸戎自渭而南則為吾有歲獲大木
萬本以給京師於是西戎酋長尚波于帥眾來爭頗殺傷戍
卒防出兵與戰捕擊其黨四十餘人以聞 上不欲邊境生
事 癸巳以樞密使吳廷祚為雄武節度使往代防先一日
謂廷祚曰卿久掌樞務年齒漸高今與卿秦州庶均勞逸明
日制出恐卿以離朕左右不能無憂故先告卿也周世宗之
二年始營國子監置學舍 上既受禪即詔有司增葺祠宇
塑繪先聖先儒之像 上自贊孔顏命宰臣兩制以下分撰

餘贊車駕一再臨幸焉於是左諫議大夫河南崔頌判監事始聚
生徒講書 上聞而嘉之乙未遣中使遍賜以酒果尋又詔

用一品禮立十六戟於文宣王廟門據實錄本紀及會要

月始幸國子監三年正月又幸而 祖宗故事乃云元年正
月初幸二月再幸因詔增葺祠宇塑繪聖賢則會要固以為
特異今不取若增葺祠宇塑繪聖賢則會要固以為 國初
事不錄幸監然後有此舉也故事蓋誤耳頌協子初見廣順
元年 丁酉幸太清觀 右補闕袁鳳坐檢田不實責授曲

阜縣令鳳未見 已亥德音減京畿及河北諸州死罪以下囚

早故也 壬寅雨 丁未命吳廷祚齋詔赴秦州赦尚于波
等罪所擊戎俘並釋遣之賜以錦袍銀帶遂罷采造務 乙

卯幸迎春苑宴射 秋七月己未禁諸州中元張燈 庚申

唐主遣客省使翟如璧來貢謝生辰之賜也如璧江南降卒

其弱者不能軍 壬戌歸數千人于唐 乙丑知舒州左諫

議大夫歷城馮瓚言州界有菰蒲魚鼈之利居民每以自給

前防禦使司超增收為市征漁奪苛細疲俗告病宜蠲除之
上即從其請 樞密直學士司門郎中安平杜鞞美風儀工
尺牘仕周世宗居近職上章言事頗中時病然恃酒不遜上
時典禁衛每優容之於是罷為駕部郎中宰相擬授鞞諫議
大夫 上不許 乙亥斬文思使常岑子勲於東市勲少亡
賴嘗詐稱供奉官至泗州為長吏所覺捕送闕下故戮之先
是雲捷軍士有偽刻侍衛司印者捕得斬之 上曰諸軍比
加簡練尚如此不逞耶庚辰命搜索悉配海島於是姦猾斂
迹 已卯北漢捉生指揮使路責等十一人來降並補內殿
直 辛巳遣給事中劉載等十人按行河北諸州旱田 詔
朝臣出使還日具所見民間利病以聞 右衛率府率薛勲
掌常盈倉受民租槩量重詔免勲官配隸沂州倉吏棄市編
以為二年事 充濟德磁洛五州蝗 八月甲戌朔勅大理
今從新錄

卿范陽劇可久為光祿卿致仕可久年逾七十無請老意

上特命之新錄云可久懇求休退 庚寅以鎮海鎮東節度

副大使錢惟濟為建武節度使惟濟吳越王俶之子也俶請

授以嶺南旄鉞 上從之 癸巳詔開封府捕蔡河務綱官

王訓等四人磔於市以訓等用糠覈土屑雜惡軍糧為張義

等所告故也賞義等錦袍銀帶 是日遣引進使郭承遷會

秦州吳廷祚率兵往尚書寨驅蕃族歸本部 乙未左拾遺

知制誥虞鄉高錫上言近廷臣承詔各舉所知或有因行賂

獲薦者請自今許近親奴婢鄰里告訴加以重賞又請注授

法官及職官各宜問書法十條以代試判 上皆施行之是

月安復間有象食稼遣使捕之 左領軍衛將軍杜審瓊

昭憲太后之兄也與其弟審肇進家于常山於是悉召赴闕

九月丙辰朔以審瓊為左龍武大將軍審肇為左神武大將

軍並致仕賜第京師 太后無恙時審瓊嘗先入見置酒萬
歲殿 上及皇弟光義以元舅故皆捧觴列拜上壽詔及第
舉人不得呼知舉官為恩門師門及自稱門生 戊午天平

皆莫对三字者其後近臣下

早事石守信表解軍職
獻伏羌縣地 壬申

詔左諫議大夫崔頌與中使盧德岳等同修武成王廟仍委
頌檢討唐末以來謀臣名將勳績尤著者以名聞 癸酉以
次對章奏下尚書省集官參詳其有裨政治可施行者以聞
丙子占城國遣使朝貢 禁民伐桑棗為薪又詔黃汴河兩
岸每歲委所在長吏課民多栽榆柳以防河決 九月癸未
復置書判拔萃科 國史於八月乙未即書復置此科今從實
錄蓋乙未始令有司條其施行實在癸
也卯 甲申同州觀察判官徐光乘坐斷獄失實免官 武安
節度使兼中書令周行逢病革召其將吏以其子保權屬之

曰吾起隴畝為團兵同時十人皆以誅死惟衡州刺史張文
表 文表即州人初 獨存常怏怏不得行軍司馬吾死文表必
叛當以揚師璠討之如不能則嬰城勿戰自歸朝廷可也師
璠與行逢鄉里姻戚事行逢為親軍指揮使數有功行逢委
信之行逢卒保權領留務行逢崇信釋氏廣度僧尼齋懺不
輟每見僧無老少輒拜之捧匭執悅親為煎洗因為左右曰
吾殺人多矣不假佛力何以解其冤乎 據九國志保權以九
月襲父位而實錄於
十月乙未乃書行逢卒蓋因奏到之日耳今從 冬十月乙
九國志移附九月未十國紀年亦繫之九月 酉朔始賜文武常參官服有司言故事所賜止將相學士及
諸軍大校 上曰不及百官甚亡謂也乃並賜之 丙戌幸
大清觀遂幸造舡務觀習水戰 戊子以棣州團練使何繼
筠為閩南兵馬都監癸巳有司上新制定循資格長定格編
敕格各一卷詔選人三十以下依舊不得入令錄餘皆可

卷之六

軍並致仕賜第京師 太后無恙時審瓊嘗先入見置酒萬
歲殿 上及皇弟光義以元舅故皆捧觴列拜上壽詔及第
舉人不得呼知舉官為恩門師門及自稱門生 戊午天平
節度使侍衛馬步軍都指揮使同平章事石守信表解軍職
許之特加爵邑 庚午秦州言尚波于獻伏羌縣地 壬申
詔左諫議大夫崔頌與中使盧德岳等同修武成王廟仍委
頌檢討唐末以來謀臣名將勲績尤著者以名聞 癸酉以
次對章奏下尚書省集官參詳其有裨政治可施行者以聞
丙子占城國遣使朝貢 禁民伐桑棗為薪又詔黃汴河兩
岸每歲委所在長吏課民多栽榆柳以防河決 九月癸未
復置書判拔萃科 國史於八月乙未即書復置此科今從實
錄蓋乙未始令有司條其施行實在癸
卯 甲申同州觀察判官徐光乘坐斷獄失實免官 武安
節度使兼中書令周行逢病革召其將吏以其子保權屬之

曰吾起隴畝為團兵同時十人皆以誅死惟衡州刺史張文
表 文表即州人初 獨存常怏怏不得行軍司馬吾死文表必
叛當以揚師璠討之如不能則嬰城勿戰自歸朝廷可也師
璠與行逢鄉里姻戚事行逢為親軍指揮使數有功行逢委
信之行逢卒保權領留務行逢崇信釋氏廣度僧尼齋懺不
輟每見僧無老少輒拜之捧匭執悅親為煎洗因為左右曰
吾殺人多矣不假佛力何以解其冤乎 據九國志保權以九
十月乙未乃書行逢卒蓋因奏到之日耳今從 冬十月乙
酉朔始賜文武常參官服有司言故事所賜止將相學士及
諸軍大校 上曰不及百官甚亡謂也乃並賜之 丙戌幸
大清觀遂幸造舡務觀習水戰 戊子以棣州團練使何繼
筠為閩南兵馬都監癸巳有司上新制定循資格長定格編
敕格各一卷詔選人三十以下依舊不得入令錄餘皆可

如風有吼
如雷有吼
如石有吼
如木有吼

己亥幸岳臺命諸軍習騎射遂幸玉津園 廣濟縣令李守
中坐贓決杖配海門島 辛丑以樞密副使兵部侍郎趙普
為檢校太保充樞密使樞密使不帶正官自普始也又以宣
徽北院使李處耘為宣徽南院使兼樞密副使處耘前自揚
州召還老幼遮道涕泣累日不得去 張文表聞周保權立
怒曰我與行逢俱起微賤立功名今日安能北面事小兒乎
會保權遣兵更戍永州路出衡陽文表遂驅以叛偽縞素若
將奔喪武陵者過潭州時行軍司馬廖簡知留後素輕文表
不為之備方宴飲外白文表兵至簡殊不介意謂四座曰文
表至則成禽何足慮也飲啖如故俄而文表率眾徑入府中
簡醉不能執弓矢但箕踞大罵與座十餘人皆遇害文表取
其印綬自稱權留後事具表以聞保權即命楊師璠悉眾禦
文表告以先人之言感激涕泣師璠亦泣顧謂其眾曰汝見

即君子年未成人而賢若此軍士奮然皆思自効保權又遣

使求援於荆南且來即文表亦上疏自理據勃海行年記張

年十月而國史周保權傳乃云明年春蓋誤也按實錄十二
月甲辰已遣趙遂持詔宣諭文表豈得却在明年春始叛蓋
尚據潭州耳 辛亥改近郊 十一月丁巳令諸州屬縣

各置敕書庫用宗正卿河間趙矩之議也矩初見天 辛酉大

閱於西郊 癸亥詔羣臣使諸道無得私有請託違者當議

其罪 甲子又大閱於西郊 上謂近臣曰晉漢以來衛士

不下數十萬然可用者極寡朕頃按籍而閱之去其冗弱又

親校其擊刺騎射之藝今悉為精銳故順時令而講武焉詔

殿前侍衛兩司將校無得冗占直兵限其數著于令此事附
講武始先是按令文州縣官撫育有萬戶口增益者各準見

戶每十分加一分刺史縣令各進考一等其州戶不滿五千
縣戶不滿五百各準五千五百戶法以為分若撫養重方戶

口減耗各準增戶法亦減一分降考一等主司因循例不進考唯按視闕失不以輕重便書下考至是有司上言自今諸以減損戶口一分科納係欠一分已上並降考一等如以公事曠遺有制殿罰者亦降一等又言京官月限多不等有以三十六月為滿者有以三十月者有以二十月住支料錢者有司逐年書校考第並無準繩自今請應有曹局料錢京官並以三十月為滿內有合校考第者以為限其料錢一依舊例月數支給並從之 唐主遣水部郎中顧彝來貢彝未刑部尚書范陽邊歸謹三上章告老授戶部尚書致仕荆南節度使高保勗寢疾召牙內都指揮使長安梁延嗣謂曰我疾遂不起兄弟孰可付之後事者延嗣曰公不念正懿王乎先王舍其子繼冲以軍府付公今繼冲長矣保勗曰子言是也即以繼冲權判內外軍馬事甲戌保勗卒保勗卒於十一月二十日此從

行年紀也國史亦同九國志乃在明年今不取

王昭並遣使來貢方物

已卯敗于近郊

壬午初歷班于

江南

十二月丙戌左贊善大夫段昭裔坐檢視民田失實

責授海州司法參軍

丁亥以武平節度副使權知朗州周

保權為武平節度使贈龍捷左廂都指揮使江州防禦使馬

全又為鎮國節度使全入寢疾 上日遣醫診視中使勞問

不輟且諭密旨曰候疾少間當授河陽節鉞全又時疾已革

但叩頭稱謝及卒 上為之流涕特加寵秩一子才七歲召

入禁中賜名知節補西頭供奉官仍優卹其家 舊制強盜

賊滿十疋者絞庚寅詔改為錢三千足陌者處死景祐二年八月又改

癸巳詔中書門下每縣復置縣尉一員在主簿之下俸祿與

主簿同凡盜賊鬪訟先委鎮將者詔縣令及尉復領其事自

萬戶至千戶各置弓手有差五代以來節度使補署親隨為

鎮將與縣令亢禮凡公事專達於州縣吏失職自是還統於縣鎮將所主不及鄉村但郭內而已從樞密使趙普之言也

此據普行狀本志及會要云太平興國三年禁藩候補親隨為鎮將自此用本州牙吏為之亦有宣補者與此頗相關當考

戊戌蒲晉慈隰相衛六州飢詔所在發廩振之 庚子有司

上捕賊條詔頒行之給以三限限各二十日第一限內獲者

令尉各減一選獲踰半者減兩選第二限內獲者各超一次負

踰半超兩資第三限內獲者令尉各加一階踰半加兩階過

三限不獲尉罰一月俸令半之尉三罰令四罰皆殿一選三

殿停官令尉與賊鬪而盡獲者並賜緋尉除令仍超兩資令

別加陞擢 甲辰遣中使趙璲等齎詔宣諭潭朗聽張文

表歸闕且命荆南發兵助周保權 上以西鄙羌戎屢為寇

鈔選授號州刺史姚內斌為慶州刺史內斌平州人也初召

顯德六年四月上謂近臣曰安邊御眾須是得人若分邊寄者能

稟朕意則必優卹其家屬厚其爵祿多與公錢及屬州課利

使之回圖符免稅筭聽其召募驍勇以為爪牙苟財用豐盈必

能集事朕雖減後宮之數極於儉約以備邊費亦無所惜也

據經武聖畧建隆三年太祖有是言因姚曰斌擇西邊附見此是歲周鄭王出居房州

新舊錄並稱鄭王以建隆三年自西宮州恐誤也今不取河北

陝西京東諸州旱蝗河北尤甚悉蠲其租 蜀主命官磨勘

四鎮十六州逋稅自廣政十五年至二十年別行追督龍遊

令成都田淳上疏諫其略曰今甲子欲交陰陽變動天運人

事合有改更如采厚歛之末議必亂經國之大倫此犯天意

者一也太一所行將離分野初來為福末去為譴轉災作福

是宜早圖若更倍賦加租則將有不測之禍此犯天意者二

也四海財貨盡屬至尊散在民間積為貲產或有科索誰

敢抵拒陛下何不吝其小蓄以成大有乎此損君道者一也

夫百姓六軍之主也百姓足則軍莫不足百姓不足軍孰與
足務奪百姓專贍六軍此其損君道者二也蜀主不能用淳
每謂所親曰吾觀僭偽改廳堂為宮殿改紫綬為黃服改前
驅為警蹕改僚佐為卿相改妻妾為妃后何如常稱成都尹
乃無滅族之禍乎聞者皆為之恐淳論議自若或謂淳曰如
君之才固堪重寄宜稍低抑便至金鑾玉堂淳曰吾安能附
狗鼠哉蓋指樞密使王昭遠輩也王昭遠初見
乾祐元年南漢許彥真
既殺鍾允章益恣橫惡龔澄樞等居已上頗侵其權澄樞
怒會有告彥真與先主麗妃私通者澄樞發其事彥真懼與
其子謀殺澄樞澄樞遣西班將軍王仁遇告彥真父子謀反
下獄族誅之鍾允章見乾祐元年
許彥真顯德六年南漢主納李托二女長
為貴妃次為美人皆寵拜托為內太師政事必先稟托而後
行李托見顯
德六年續資治通鑑長編卷第三終

